

RESTITVTION DE PLVTON.

A MONSEIGNEUR
L'EMINENTISSIME
CARDINAL DVC
DE RICHELIEU.

Des Mines & Minieres de France, cachées & detenuës jusques à present au ventre de la terre, par le moyen desquelles les Finances de sa Majesté seront beaucoup plus grandes que celles de tous les Princes Chrestiens, & ses sujets plus heureux de tous les Peuples.

Ensemble la raison pourquoy lesdites Mines & Minieres ont esté iusques à present presque inutiles & sans profit à la Souueraineté & Maesté Royale.


Par MARTINE DE BERTEFEAV, Dame
& Barone de Beaufolcil, & d'Auffembach.



A PARIS,
Chez HERVE' DV MESNIL, rue S. Jacques,
Samaritaine.

M. D C. X X X X.

AVEC PRIVILEGE DV



Semblablement du dixiesme deub au Roy, & surquoy il se doit prendre, selon les Ordonnances, Arrests, & Reglemens des Chambres des Mines de tous les Princes Chrestiens.

Avec la refutation de ceux qui croient que les Mines & choses sousterraines, ne se peuent trouver sans Magie, & sans l'ayde des Demons.

Aussi sous quelles faces du Ciel se doiuent composer les instrumens & les verges pour trouuer les Metaux & les fontaines.

Et comme par vne vraye Methode on peut trouuer les eaux minerales, & les vertus qu'elles apportent en passant par la diuersité des veines des Metaux & Mineralx.



EPISTRE LIMINAIRE
A MONSEIGNEUR
L'EMINENTISSIME
CARDINAL DVC
DE
RICHELIEV.



MONSEIGNEUR,

On a de coustume de nous figurer l'Europe,
à ij.

EPISTRE

avec la Couronne sur la teste, comme estant la Royne des autres parties du monde, parce qu'à la verité, elle contient dans ses bornes un grand nombre de Royaumes & de Monarchies puissantes en grandeur, en loix, sciences, armes, biens, richesses, & hommes, bons ouvriers en toutes sortes d'arts, & dont les Monarques excellent autant en Religion & piété qu'en puissance, ceux des autres contrées.

Mais si l'on vouloit figurer dignement la France, il l'a faudroit couronner comme la Reine des autres parties de l'Europe: Car il faut aduoüer, qu'entre les faueurs particulie-

L I M I N A I R E.

res qu'elle a receuës du Ciel, en ce qu'elle est fertile en bleds, vins, fruiçts, & autres choses necessaires pour l'entretien de la vie humaine : C'est qu'elle est encores doiïée de nobles qualitez en ses hommes, qui surpassent les Alemans en conduites de Caualerie, les Suedois, & Danois en commerce, les Hollandois & Flamens en police. Les Anglois en Politesse & Ciuilité, les Espagnols en douceur & debonnaireté, bref tous les Europeans en bonnes mœurs, franchise & humeur & naïfueté : Ce qui les rend non seulement estimables entre les autres Nations : Mais aussi la Nature par-

EPISTRE

lant en eux, semble tacitement dire par ces marques, qu'ils sont nais pour commander à tout le monde, & regenter l'univers.

En un seul point (MONSIEUR) on a deu croire que le Royaume estoit deuancé par les autres, c'est à sçauoir enceluy-cy, que manquant de moyens pour faire valoir les vertus dont ses subjects sont doüez, ils se sont veüs contraints de faire la Cour, tant à leurs voisins, qu'aux plus estoignez, pour tirer d'eux le nerf de la guerre, & l'ame du commerce, sçauoir l'or & l'argent qui luy deffailloient, pour se faire re-

LIMINAIRE.

douter à ceux qui deuoient
estre ses tributaires. Mais au-
jourd'huy, Dieu vous ouure
les yeux, & apprend à vostre
Eminence tres-auguste, par
moy qui ne suis qu'une fem-
me, de laquelle il a, peut-estre,
pleu à la diuine Bonté se ser-
uir, aux fins de donner aduis
des thresors & richesses enfer-
mées dans les mines & minie-
res de France, comme il vou-
lut autrefois se seruir de Jean-
ne d'Arques pour repousser
les Anglois hors l'heritage, que
ses Ayeuls auoient laissé à sa
Majesté.

Or ie supplie tres-humble-
ment vostre Eminence (Mon-
seigneur) ne point douter de

EPISTRE

l'aduis que ie luy donne ; sur ce qu' aucuns la pourroient detourner, disans : que jusques à present les mines n'ayant esté descouvertes, il n'est pas croyable qu'il y en ait en ce Royaume, ou que s'il s'en trouue en ce Royaume quelques-unes, elles ne peuuent apporter grand profit à la Couronne ; Car outre ce que ie peux respondre, que comme on iuge du lyon par l'ongle, qu'ainsi à l'ouurage on cognistra l'ouurier. Car si on faiët l'honneur au sieur du Chastelet mon mary, & à moy de nous employer, travaillans à nos propres frais, afin que personne ne soit trompé : C'est que le Ciel augmentant de jour

L I M I N A I R E

à autre les trophées de sa Ma-
jesté par la sage conduite de
vostre Eminence : l'estime
aussi qu'il veut augmenter ses
finances, pour le rendre le plus
redouté Monarque de la ter-
re ; le tire ceste consequence
d'un solide fondement, sça-
voir de la pieté Religieuse, qui
esclate en sa Majesté, & au
travers du pourpre de vostre
Eminente grandeur, cultiuée
par les vertus, & sur tout par
la crainte de Dieu, premier mo-
tif de la gloire, & des richesses
dans la maison de l'homme
de bien. La gloire accompa-
gne desia en tout sa Majesté,
& vostre Eminence. Et tout
le monde aduoüe qu'elle doit

EPISTRE

estre environnée de lauriers & de palmes, puis qu'elle a genereusement triomphé par vos diuins conseils, & de ses ennemis, & des rebelles tant dehors que dedans le Royaume.

Il ne me reste donc plus que les richesses qui se presentent, pour rendre la France heureuse de tout point: La iouyssance desquelles ne depend que d'un simple commandement de sa Majesté & de vostre Eminence pour y travailler, & d'une authorité & pouuoir du Conseil pour l'execution de ce que dessus, dont on verra sortir l'effect de mes promesses, au bien de l'Estat, & du soulagement du peuple.

LIMINAIRE.

Que si il luy plaist, & à vous (MONSIEUR) agréer cest offre, & me prester la main, onc cognoistra que les hommes apprennent tous les iours, & que les secrets de Nature se manifestent lentement & en leur saison. Et les François auront occasion de remercier le Tout-Puissant, de leur auoir donné un Prince plus heureux qu'Auguste, & meilleur que Trajan, & assisté de la sage & esmerueillable providence de vostre Eminence, comme le seul Nestor de nostre siecle, durant le regne duquel le Ciel plus fauorable aura fait renaistre le siecle d'or. Ce sera

EPIST. LIMINAIRE.

alors qu'à plus iuste tiltre
i'auray merité d'estre quali-
fiée,

MONSEIGNEUR,

Vostre tres-humble &
obeissante seruante

Martine de Bertereau.



A MONSEIGNEVR
L'EMINENTISSIME
CARDINAL DVC DE
RICHELIEV;
SONNET.

E Sprit prodigieux, Chef-d'œuvre de Nature,
Elixir espuré de tous les grands Esprits,
Puis que vous conduisez nostre bonne aventure,
Arrestez vn peu l'œil sur ces diuins Escrits.

Ces Escrits sont desseins, pour vne Archi-
tecture,
Dont la sainte Beauté vous rendra tout espris,
Le Soleil & les Cieux conduisent la structure,
Et vous, vous conduirez cet ouvrage entrepris.

La France & les François vous demandent
les mines,

L'or, l'argent, & l'azur, l'aymant, les ca-
lamines,
Sont des Thresors cachez de par l'esprit de
Dieu.

Si vous autorisez ce que l'on vous propose,
Vous verrez (MONSEIGNEUR) que
sans Metamorphose,
La France deviendra bien-tost un Riche lieu.

De Bertereau.







L. A.

RESTITVTION
DE PLVTON.

A MONSIEIGNEVR

l' Eminentissime Cardinal,
DVC DE RICHELIEV.

Oeuure auquel il est amplement traité
des Mines, & minieres de France,
cachées, & detenuës iusqu'à present
au ventre de la terre, par le moyen
desquelles les Finances de sa Majesté
serôt beaucoup plus grâdes, que celles
de tous les Princes Chrestiens, & ses su-
jects plus heureux de tous les Peuples.



Il n'importe pas de qui l'on
soit conseillé, pourueu
que le conseil soit bon.
On en doit premierement faire

A

2 *La restitution de Pluton,*
l'espreuve, puis apres l'estimer, se-
lon ce qu'il est trouué fructueux &
profitable. Les Romains jadis ren-
dirent de grands honneurs à des
Oyes, comme s'il y eust eu quelque
chose de diuin en ces Animaux;
d'autant que par leur cry, elles don-
nerent aduis de la prise du Capitoie,
par les ennemis. Comme aussi les
Anciens Payens mettoient au nom-
bre des Dieux ceux qui par art & in-
dustrie auoient descouuert quelque
chose, auparauant incogneüe aux
Estats & Republiques; quoy qu'ils
fussent simplement hommes mor-
tels comme les autres, l'Apotheose
estoit leur recompense, & les accla-
mations populaires, le salaire de
leurs instructions. L'Harpocrate
placé en prospectiue sur les portes
des Temples, qui leur estoient con-
sacrez, ayant le doigt sur sa bouche,

n'estoit là en ceste posture, que pour deffendre de reueler le secret aux siecles aduenir, quoy que ceux (cómme i'ay desia dict) auxquels on defferoit ces honneurs diuins, n'eussent esté que des hommes mortels.

Ie n'attens autre chose que de là mocquerie de plusieurs de ceux qui liront cet escrit, & peut-estre du blâme; quand ils verront qu'une femme entreprend de donner des aduis à vn grand Roy; le miracle des Roys; & à son Conseil, le Premier; & le plus Iudicieux du monde. Mais si des rieurs, & critiques Censeurs veulent prendre la peine de feuilleter l'Histoire Sacrée, ils y liront; qu'une ieune fille estrangere conseilla le Prince de Syrie Naaman de s'en aller vers le Prophete de la Palestine, lequel l'instruiroit des moyens qui seroient propres à

4 *La restitution de Pluton,*
guérir la Lépre. Il l'a creut, & s'en
trouua bien. Aussi si ie suis creuë à
mon rapport, la repentance ne suy-
ura point la creance, ains on verra
par les effects, que mon dessein est
semblable à celuy de la seruante du
Prince de Syrie, assçavoir de guérir
de la pauureté, ce grand & florif-
sant Royaume, pauureté, di-je, que
l'on a accoustumé de nommer par
raillerie, vne espece de ladrerie.

Mais quoy dira quelque autre,
Qu'une femme entreprenne de
creuser & percër les montagnes :
Cela est trop hardy, & surpasse les
forces, & l'industrie de ce sexe,
& peut estre, qu'il y a plus de ia-
stance, & de vanité en telles pro-
messes (vices dont les personnes vo-
lages sont ordinairement remar-
quées) que d'apparence de verité.
Je renuoye cet incredule, & tous

à son Eminence. S

ceux qui se muniront de tels & semblables arguments, àux histoires prophanes, où ils trouueront qu'il y eust autrefois des femmes non seulement belliqueuses & habiles aux armes, mais encore doctes aux arts, & sciences speculatiues, professées tant par les Grecques, que par les Romaines. Penthasilée avec ses Amazones seront pour exemple. Nicostrata, & Aspasia, premierement maistresse, puis espouse de ce valeureux Capitaine Pericles, Themistoclea sœur du Philosophe Pytagore, des opinions de laquelle il se sert en plusieurs lieux de ses Escrits, Fabiola, Marcella, Eustochium, avec lesquelles Sainct Hirosme a eu conference, & vn nombre infiny d'autres authoriseront ce que ie scôtiens.

Les femmes peuvent estre belliqueuses & doctes.

Et bien que la cõgnoissance des Mines, comme chose occulte, soit

6 *La restitution de Pluton,*
d'autant plus difficile à acquerir que
moins elle est apparente ; si est-ce
toutesfois qu'après auoir vacqué
trente ans, avec vn laborieux exer-
cice à la parfaicte recherche de cest
Art, estant moy mesme descenduë
dans les puits & cauernes des mines,
(quoy qu'effroyables en profon-
deur) comme celles d'or & d'argent
Mines du Potozi, au Royaume du Peru,
des Indes dont les carrieres sont appellées par
les Espagnols, *La Esperança de la*
muerte, *Despanto* & *de la fe* &c.
dans celles de Neusoln, Cremitz, &
Mines Schemnitz, au Royaume de Hon-
d'Hon- grie appellées par les Hongrois, &
grie. Allemans, Biberstolen, Falkenstein
Duln, Kinnerfrbstohn, Katstaben,
Lindenstoln, Lingonstobi, Ober-
tagstolen, Windischlenten, Vnder,
Erbstoln, Kottigstolmcanderstolus,
Hastang, &c. qui ont quatre & cinq

cents toises de profondeur & au dedans, c'est à dire dans le fonds, & sous la terre deux & trois lieues de canaux, routes, ou chemins, avec mille ou douze cents carrieres, chambres, ou caavernes, où les ouuriers traouillent depuis vn siecle d'années, où bien souuent se rencontrent de petits Nains, de la *Nains,* hauteur de trois ou quatre paulmes, *ou esprits* vieux, & vestus comme ceux qui *sous-ter-* *rins.* traouillent aux mines, assauoir d'vn viel robon, & d'vn tablier de cuir, qui leur pend au fort du corps, d'vn habit blanc avec vn capuchon, vne lampe, & vn baston à la main, Spectres espouventables à ceux que l'experience dans la descente des mines n'a pas encores assurez: M'estant aussi trouuée aux officines des fontes, aux separations du grossier d'avec le pur, & en ayant veu

8 *La restitution de Pluton,*
faire les espreuës, & les ayant fai-
ctes moy-mesme par longues an-
nées. Il faudroit estre vne fouche,
pour n'auoir vne experience certai-
ne, en ce que, i'ay si long-temps
practiqué, & tourné en habitude.

Je ne suis pas venuë en France
pour y faire mon apprentissage, ou
contrainte par la necessité; Mais
estant paruenüë à la perfection de
mon art, & desirée par le feu Roy
Henry le Grand, d'heureuse me-
moire, & mandée, & sollicitée de
sa part par le feu sieur de Beringhen:
nous y sommes arriuez mon mary
& moy, pour y faire voir ce que
iamais on n'y a veu; ayans au prea-
lable pris licence, permission, pas-
seport & congé, de la sacrée Maie-
sté, de laquelle il estoit Conseiller,
& Commissaire General des trois
Chambres des mines d'Hongrie,

y laissant Hercules du Chastelet vn de nos enfans en sa place & exercice de sa charge, & auons bien voulu obliger les François en cela, & montrer aux estrangers, que la France n'est pas despourueüe de mines & minieres, non plus que les Indes Orientales, & Occidentales, desquelles le Roy d'Espagne tire vn grand proffit.

Les descouertes en sont faictes, & à ce dessein auons employé, & voyagé neuf années entieres, avec vn nombre d'ouuriers, & mineurs Hongrois, & Allemans, par toutes les Montagnes de ce Royaume, & ceà nos propres frais & despens. Et apres auoir veu & consideré les lieux où sont les meilleures mines, de plus grand rapport, & plus faciles à ouurir, nous en auons apporté les espreuues à la Maiesté, & à nos Sei-

10 *La restitution de Pluton,*
gneurs de son Conseil ; de sorte
qu'il ne reste plus que de commen-
cer les ouvertures & mettre l'ordre
requis à telles entreprises. Ce qui
se fera si tost qu'il plaira au Roy,
& à vostre Eminence , Monsei-
gneur , nous donner la iouissance,
des articles qui ont esté accordez
au Conseil, dès l'année mil six cents
trente quatre , & qui sont encores
entre les mains de Monsieur de Bre-
tonvilliers Secretaire du Conseil (au
rapport de Monsieur d'Emery) &
de commencer l'establissement de
cét ordre des mines tres-vtile en tou-
te leurs parties tant au Roy, & à vo-
stre Eminence qu'à toute la France.

On pourra voir dans la declara-
tion que i'ay mise au jour avant ce-
luy-cy, dez l'an mil six cents trente-
deux, les veritablès causes, pour les-
quelles iusques à present les grandes

richesses qui sont en France, ont esté incognuës, & dirons seulement que les officiers des Mines de France, & qui en tirent les gages & les emolumens, ont trop d'offices, ce qui faict que leur esprit est diuerti en trop de lieux & ne se tiennent point subjects à ce deuoir, ny dans les lieux où sont les mines, pour y traualier continuellement, avec tous les autres Officiers, Mineurs, Fondeurs, Chaffues, Essayeurs, & autres: car si cet ordre estoit en France, on recognoistroit promptement les graces & benedictions que le *Cinq Re* Createur a donné à ce Royaume. *gles qu'il faut sçauoir pour* Et sans estendre ce discours plus *cognoistre les mines, les metaux, les eaux & fontaines.* auant, ie diray qu'il y a cinq Regles methodiques, qu'il faut sçauoir pour cognoistre les lieux où croissent les Metaux.

La premiere par l'ouuerture de

12 *La restitution de Pluton,*
la terre, qui est la plus sensible & la
moindre.

La seconde par les herbes & plan-
tes qui croissent dessus.

La troisieme par le goust des
eaux qui en sortent, ou que l'on
trouue dans les Euripes de la terre.

La quatrieme par les vapeurs qui
s'eleuent autour des Montagnes,
& Valées à l'heure du Soleil leuant.

La cinquiesme & derniere par
le moyen de seize instrumens
metalliques, & hydrauliques, qui
s'appliquent dessus : Or outre ces
cinq Regles, & seize instrumens,
Il y a encores sept verges Metalli-
ques dont la cognoissance & prati-
que est tres necessaire, desquelles
nos Anciens se sont seruis. pour des-
couvrir de la superficie de la terre les
Metaux, qui sont dedans & en leur
profondeur, & si les mines sont pau-

ures ou riches en metal. Comme aussi pour descouvrir la source des eaux avant que d'ouvir la terre, si elles sont abondantes, & si le lieu de leur penchant est propre pour faire tourner les Moulins, & les rouës, joier les soufflets, laucr les mines, & autres manufactures necessaires aux Officiers des Mines; afin qu'à moindres fraits, moins de labeur, & de temps, on puisse mener à bonne fin son entreprise.

Ces verges sont appellées & nommées dans les mines de Trente, & de Tyrol, où la langue Italienne est vulgaire & en vsage. *Verga lucente*, *Verga cadente*, *ò focosa*, *Verga salente*, *ò saltente*, *Verga battente*, *ò forcilla*, *Verga trepidante*, *ò tremente*, *Verga cadente*; *ò inferiore*, *Verga obuia*, *ò superiore*.

On remarque aussi, que les lieux

14 *La restitution de Pluton,*
principaux, où se trouuent les mi-
nes de ce Royaume, ne sont pas
beaucoup fertils, d'autant que la
terre qui s'occupe à nourrir les me-
taux, & les mineraux a moins de
suc delicat à nourrir les bonnes plan-
tes, & semble que Job, grand
Iob. c. 28. Philosophe, a voulu asseurer que
tels endroits estoient naturellement
steriles, disant que les oyseaux ne
s'y arrestent pas, comme recognois-
sans par vn instinct naturel, qu'il
n'y croist point de grain pour leur
nourriture. *Semitam ignorauit avis,
nec intuitus est eam oculus eius.*

Aussi ces mineraux croissent or-
dinairement dans le ventre des plus
hautes montagnes, comme les Py-
renées, celles du Dauphiné, d'Au-
uergne, Viuarets, Prouence & au-
tres semblables. Souuentefois aus-
si il s'en trouue dans les plaines cam-

pagnes: & peut-estre que le Poëte ne pensoit pas si bien rencontrer quand il dict,

Parturient montes.

Les Montagnes enfanteront.

Les Hebreux en leur langue aussi sainte que pleine de mysteres les nomment *הרין* harain; cest-à-dire enceintes, ou propres à enfanter.

Au surplus, il n'y a Prouince dans le Royaume, où il n'y ait des Mines de metaux, & semimineraux. Les Montagnes des Pyrenées, de la Comté de Foix; du Dauphiné, d'Auvergne, de Barn, du Languedoc, de Gasconne, du Lyonois, Beaujoulois & Forests; de Poitou, de Lymosin, de Bourbonnois, de la Prouence, du Niuernois, de Velay en sont pleines, & la Bretagne aussi; (où j'ay esté trauersée en l'execution de ma commission, par

16 *La restitution de Pluton,*
la Touche-Grippé, vn des plum
chans hommes & le plus grand eⁿ-
nemy du bien public que la Ter^re
porte, cecy soit dict en passant; affin
que tout le mondé le recognoisse
pour tel,) Dans toutes lesquelles
Prouinces nous auons trouué tous
les Metaux & Mineraux que le Roy
pourroit souhaiter pour le bien de
ses subjects, & en outre nous auons
trouué des eaux minerales, pour la
guerison des plus rebelles maladies.

Assavoir.

Aux Monts Pyrenées proche de
Saint Beat, vne bonne Mine qui
a quantité d'Or.

A la montagne de Sault, enco-
res vne Mine d'Or.

A vne lieuë de Lorde, vne bon-
ne Mine d'argent.

A demy-lieuë de saint Bertrand,
vne grande Mine de Cristal, &
deux

deux de Cuivre, qui tiennent quantité d'argent.

Dans le Comté de Foix au lieu de Riviere vne mine d'or.

A la montagne de Montroustaud, vne mine d'argent, & dans la mesme montagne, vne mine de Cuiure qui tient d'argent.

A la montagne de Cardazet, vne mine d'argent.

Au lieu appellé les minieres de l'Aspic, vne mine de Plomb, contenant quelque portion d'argent.

Proche le village appellé Pech, & Chasteau Verdun, trois mines vne de Plomb, vne de Cuivre, & l'autre de Fer.

Au lieu appellé d'Alsen, vne mine d'argent,

Au lieu de Signier, vingt & deux mines de Fer.

Au lieu des Cabanes, trois

18 *La restitution de Pluton,*
mines d'Argent, trois de Fer, &
vne de Cristal, bon pour faire tou-
tes sortes d'ouurages & de vases.

Au lieu de Lourdat, vne mine
d'or, & vne mine d'Argent, à demie
lieuë dudit Lourdat.

Au lieu appellé Defastie, vne
mine d'Argent.

Au lieu de Cousou, vne mine
d'Argent qui tient d'or.

En Languedoc, cinq mines de
Iayet, au lieu appellé la Bastide Del-
peyrat, ausquelles mines, trois voi-
re quatre cents hommes traueillent
tous les jours.

Au mesme terroir, vne mine
de Vitriol.

Proche de Tournon, six mines
d'Arquifou, ou Vernix qui tient
Plomb, & Argent.

Dans la Comté d'Ales, six mines
de Fer, & quatre de Charbon.

Dans le Marquisat de Portes, trois mines de Fer, & 2. de Charbó.

Au lieu de Malbois, vne mine d'Antimoine, & vne de Zain.

Au lieu du Boulsque, proche du Rosne, vne carriere de pierres à feu d'vne tres-belle couleur d'or.

Proche la Vaouste, vne mine de Vernix, autrement Arquifou, qui tient de Plomb, & d'Argent.

A Lodeue, vne mine de Cuivre, qui tient d'Argent, vne de Cristal, & de Souffre.

Dans la Baronnie de Regues près de Narbonne, vne mine d'or.

Au village de saint Jean, proche la ville des Vents, vne mine de Cuivre.

A vne lieuë du Vigan, vne mine de pierre d'Azur, & vne mine de Vert de terre, & cinq mines de Charbon.

*Mines de Rouergue &
Quercy.*

Vne bonne mine de Cuivre au lieu de saint Felix de Sorgues.

Audit saint Felix au diocese de Vabres vne autre mine de Cuivre.

Vne mine d'argent proche la ville du Meux de Barres, dans la vallée de Combellon.

Vne mine de Cuivre au lieu de Torssac.

Vne mine de Cuivre fort bon, proche la ville-neufue d'Aginois

Au lieu de Najeat vne mine de Cuivre, & au dessus vne mine d'Azur, soubz l'Eglise parrochiale dudit Najeat.

Au lieu de Cremeaux huit mines de Charbons.

A Rodez, vne mine de Cuivre,

proche le Chasteau de Corbieres.

En Condonnois, vne mine d'or,
dans la terre de Meszin.

En Vellay & Geuaudam, vne
mine de Saphirs blancs & bleus tres-
bons.

Au terroir de sainct Germain
proche du Puy, à Espailly dans
vn ruisseau appellé au langage du
pays lou Riou l'egouliou, se trouue
quantité de Grenats, Rubis, Hya-
cintes, Opalles tres-bonnes & fines.
Comme aussi autour du Puy quan-
tité de plastrieres de Hyp & de Tale,
& quantité de pierres de meules de
Moulin, comme aussi au terroir de
Blauaugy.

A Auffonne vne mine de Iayet.

Proche le village D'o à la monta-
gne d'Esquierre vne mine d'argent.

Au lieu de Samatan trois mines de
Turquoises.

22 *La restitution de Pluton,*

Au lieu de Dizau quatre mines de Fer.

Proche la ville de Bigorre vne bonne mine de Plomb.

En Auvergne au lieu de Pegu vne bonne Mine d'Amatistes.

Sous le Chasteau d'Vifson dans la vigne d'Anthoine du Vert, vne mine d'Azur.

A l'Abbaye de Menat des Marquassites, des pierres à feu, & vne mine de souffre.

Au village de Rouripces, près de Pongibaut, & de la montagne du Puy, vne bonne mine d'Argent.

A Sinf-andon, proche S. Aman vne mine de Cuiure.

Proche la ville de Brioude vne carriere de Marbre.

Proche de Langeat & de Brioude. vne mine d'Antimoine.

Le long de la riuere de Langeat,

quantité de pierres à meules pour
aiguïser les lancettes, rasoirs, ciseaux,
& autres instrumens.

Au lieu appellé Prunet, quatre mi-
nes d'ardoises grossieres, appellées
ardoises de Matte, bonnes pour cou-
vrir les maisons au lieu de tuiles.

Au lieu de Murat, plusieurs carriè-
res de semblables Ardoises.

Mines de Prouence.

En Prouence vne mine d'Argent
au terroir du Luc, diocèse de Frejus,
& vne de Plomb à demie lieuë du-
dit Luc.

Vne mine d'Arquifou & Vernix
à la montagne de Mondrieu.

Vne mine de Cuiure au terroir de
Sisteron.

Vne autre mine de Cuiure au ter-
roir de Verdaches, près la ville de

24 *La restitution de Pluton,*

Digne, tenant d'or, & d'argent.

Vne mine de fer, au lieu de Barles.

Vne mine de plomb, au lieu de
beau-leu.

Vne mine d'argent, au lieu de
pierre-Fent.

Vne mine de plomb, au terroir de
sainct Trepet.

Vne autre mine de plomb sous la
montagne de Callas.

Vne mine de cuiure au terroir
d'Yeres, contenant or & argent.

Vne mine de souffre rouge, & vne
d'orpiment au terroir de la Molle.

Vne mine d'allum audit terroir
de la Molle.

Vne mine de plomb proche la
Chartreuse, meslée d'autres metaux.

Vne mine de layet au terroir de
la Roque, comme aussi vne de fer,
& vne de cuiure.

Vne mine de vernix au terroir de

Ramaticelle.

Vne mine de cuiure au terroir
d'Aix.

Vne mine de vernix au terroir de
Colombieres.

Vne mine d'or, & vne d'argent
au terroir de Barjous.

Mines de Dauphiné.

En Dauphiné vne mine d'or à la
montagne d'Auriau.

Des pierres & diamans sembla-
bles à ceux d'Alençon, proche la
ville de Die.

Mine de Bourbonnois.

En Bourbonnois vne mine de
plomb au village d'Viis.

Mines de Normandie.

En Normandie vne mine d'azur
proche le Ponteau de mer.

26. *La restitution de Pluton,*

Mines du Maine.

Au Maine vne mine de Cuiure en la forest du Talla dependant de la Ferté Bernard, avec grande quantité d'Ardoises.

Mines de Forest.

En Forest, vne mine de vernix à saint Iulien.

Mines de Bretagne.

En Bretagne, vne mine d'Amethystes proche la ville de Lauion, comme aussi vne mine d'argent.

Mines de Picardie.

En Picardie vne mine d'Ambre jaune proche de Laon, & quantité de Tourbes.

I'ay trouué quantité d'autres mines tres-bonnes, desquelles j'ay des eschantillons, & des procès verbaux

que mon mary en a fait, à la presen-
ce des Iuges des lieux, & des Offi-
ciers de sa Majesté.

Voila, MONSIEUR, des
preuves certaines & irrevocables,
pour monstrier l'ignorance de ceux
qui disent qu'il n'y a point de mines
en France: Et pour faire clairement
voir, & toucher au doigt à toute la
France, à vostre Eminence, & à Nos-
seigneurs du Conseil de sa Majesté,
la diligence que nous auons faicte
pour la descouverte des mines, les
peines & labeurs que nous auons
souffers, avec plusieurs voleries &
pertes de nos biens, & attentats sur
nos vies & personnes, que nous fe-
rons voir à toute heure que nous en
serons requis, par bonnes & vala-
bles informations, procès verbaux,
& procédures faictes pardeuant les
Iuges Royaux des Prouinces, où les-

28 *La restitution de Pluton,*
dites voleries & attentats ont esté
commis contre nous.

Mais pour retourner à nostre dis-
cours, nul ne doit douter, qu'il n'y
ait vn premier moteur & Createur
de toutes choses vniuerselles, lequel
par sa puissance incomprehensible a
créé vn Esprit vniuersel à toutes les
choses Elementaires, afin que cha-
cun produise son semblable, & c'est
ce que plusieurs ont appellé Ame ve-
getale, animale, & minerale: Ce qui
se peut prouuer iournallement de-
dans les Mines, où tous les metaux
ont vn principe d'accroissement, par
vne liqueur vaporeuse, qui sort des
matrices Metalliques, puis se for-
me comme huile gras, ou comme
beurre, au bœut duquel nous trou-
uons bien souuent l'or & l'argent
fin: Et (chose plus esmerueillable à
ceux qui n'ont la cognoissance de

*Esprit
vniuer-
sel en
toutes les
choses e-
lemen-
taires.*

c'est Esprit en chaque espece & individu) C'est que ramassant ceste humeur, ou liqueur huileuse, qui est en petite quantité, & en faisant projection sur le metal plus proche de sa nature, à force de feu le penetrera tellement qu'il le conuertira entierement & parfaitement en l'especé du metal, de la nature & matrice, d'où est sorty cette humeur huilleuse: Et si le second est coagulé & fixé, il se reduira en poudre, qui parfaicte-ment fera le semblable; A sçauoir s'il prouient de la matrice du plomb, il fera du plomb, si c'est du cuiure, du cuiure, de l'estain, de l'estain, de fer, du fer, de l'argent, de l'argent, de l'or, de l'or.

*Preuve
de la
transmu-
tation
des me-
taux.*

Ce qui me fait croire que le Prophete Esdras en a eu quelque cognoissance: car il a dit en son 4. liure chap. 8. que pour faire de l'or,

*Esdras
liu. 4. c.
8.*

30 *La restitution de Pluton,*
il ne faut qu'un petit de poudre. Et certainement nous reconnoissons que tous les Metaux sont homogènes, quoy qu'ils soient cachez dans l'eterogeneite.

Bien est-il vray, que ceste premiere matiere metallique est tres-rare, & cogneuë de peu de gens, & le plus souuent melprisée des ouuriers des fodines, qui aiment mieux trouver dans la largeur de la Veine quantité de bonne pierre qu'ils coupent avec le cizeau & le marteau, que de ramasser ce qui leur seroit inutile, & dequoy ils n'ont pas la cognoissance. C'est neantmoins chose tres-assurée que nos anciens Philosophes en ont artistement composé ce grand Elixir si admirable, qui guerit toutes les maladies les plus incurables, & purge les metaux de leur imperfection, & les porte au supré-

*Elixir
des An-
ciens.*

me degré où nature tendoit avec plus longues années.

Or la génération des metaux, & des minéraux, pour en parler en termes generaux, & selon que ie l'ay promis en ma veritable declaration de la descouuerture des mines de la France, il est certain qu'elle se fait par l'action des corps celestes & de la matiere d'exhalaisõ chaude & seiche, enfermée dans les entrailles de la terre; avec telle difference toutes-fois que la cause efficiente des pierres precieuses & des metaux est vne, mais la materielle est diuerse; parce que quand l'exhalaisõ est fumeuse & terrestre, ne pouuant ouurir la terre pour se faire voye; elle s'épaissit & condense par la froideur d'icelle; lors vne vapeur (dont il y a tousiours quantité dans les lieux souterrains, à cause des eaux qui fluent

32 *La restitution de Pluton,*
incessamment) se mellant à l'exala-
tion par la contention & espessisse-
ment deuiet boüe & fange, & se
cuit; Ainsi ceste masse par la cha-
leur de ceste exalaison chaude &
seiche, s'espaisit, s'endurcit, & de-
uiet pierre, & selon la diuersité des
veines de la terre, des conjunctions
des astres ou planettes, & des diffe-
rens aspects du Soleil & des Estoiles,
& encores des sujets dont les exa-
laisons & vapeurs sont composées,
les pierres sont ou de prix, ou de nul-
le valeur, opaques ou transparan-
tes, claires, ou diuersement colo-
rées.

Les metaux au contraire se font,
& composent d'une vapeur chaude
& humide, & d'un esprit mellé aux
parties terrestres auxquelles il s'unit:
car l'exalaison vaporeuse par la lon-
gueur de temps est enceinte, affer-
mie,

mic, & consolidée par la froideur de la terre: Et ainsi s'engendrent les métaux fusilles, lesquels tenans plus de nature aqueule que terrestre, se peuent resoudre au feu, & non les pierres, qui tiennent plus de nature terrestre, ce qui fait que facilement elles peuent estre brisées, rompues, & reduites en poudre.

Il y a vne autre espeece troisieme de Mineraux, qui est mitoyonne entre les métaux & les pierres, & neantmoins participante des deux, comme sont les succulents, qui ont quelque goust, odeur, ou saueur, & de peste sorte sont l'orpin, l'arsenic, l'alun, le vitriol, le souffre, la glu, le bitume, & autres qui n'ont ny goust ny odeur, ny saueur, comme le cristal & le verre.

I'ay dit que la cause efficiente des mineraux estoit vnique, sçauoir le

34 *La restitution de Pluton,*
concours des influences celestes,
avec les quatre premieres qualitez.
Aussi les astres mesmes, qui influent
pour la generation des metaux, dans
les entrailles de la terre, comme
dans leur matrice, influent aussi pour
la production des pierres dans les mi-
nieres. C'est pourquoy apres en
auoir parlé generalement, il faut ve-
nir à l'espece pour en discourir en
termes plus particuliers.

En suite donc de la matiere pre-
miere des metaux qui est la terre
avec l'eau, d'où sortent les exhalai-
sons & vapeurs: Il se forme pre-
mierement le mineral imparfait,
crud, & disposé à la cuisson, fluide
encores toutesfois, & non fixe, &
duquel tous les metaux sont imme-
diatement composez, & ce mineral
est le mercure & le souffre.

Le mercure est vne substance a-

queuse meslangée estroitement de terre fort subtile.

Le soufre est vne substance d'air gras, terrestre, subtil, & desseiché par la chaleur, & selon les diuerses vnions de ces deux materiaux desseichez dans les mines, dont se forment les diuerses especes de metaux.

Le plomb est geniture de vif argent impur, grossier & puant avec du soufre impur.

L'estain est de vif-argent pur, & de soufre non encores espuré.

Le fer, de soufre impur, brullant & de vif-argent sale & ord.

L'or de vif-argent pur, & de soufre rouge tres-pur, qui ne brusle point.

Le cuiuré est de vif-argent non tout à fait ord. & sale, & de soufre rouge & grossier.

L'argent est de vif-argent net &

36 *Larestitution de Pluton,*
clair, & de souffre qui ne brusle point
net & blanc.

L'acier est mine de fer, qui se pur-
ge, & s'espure à force de cuisson, &
d'un mélange de poudres & sels,
d'où vient qu'il est moins vinctueux
que les autres métaux, & pour cela
il est plus facile à rompre que le fer.

Que si l'on demande d'où proce-
de la diuersité de leurs qualitez &
couleurs aussi bien que les pierres.
Le respons qu'il l'a faut rapporter à la
cause efficiente des astres qui in-
fluent, & à la materiele des elemens,
& aux actions de leur qualitez, les-
quels estant diuers en nature & pro-
prietez, le sont aussi en leurs actions
& productions.

Et pour faire voir leurs sympa-
thies avec les elemens, il faut sçauoir
que la terre qui est froide & seiche
conuient avec la Lune. L'eau qui

est froide & humide avec Mercure & Saturne ; l'air chaud & humide conuient avec Iuppiter & Venus. Le feu qui est chaud & sec conuient avec le Soleil & Mars. Et d'autant que Saturne est vn planette pesant, qui domine aux humeurs noires & atrabiliaires, aussi le metal noir & pesant est sa geniture, comme le plomb & les pierres qui tirent à ceste couleur, comme l'Onix & l'Ay-mant.

Iuppiter domine aux sanguins, & à tout ce qui est chaud & humide, aussi l'estain luy est approprié, comme les pierres de couleur blanche, & les verdes, comme les esmeraudes, & le cristal de roche. En outre celles qui tirent sur la couleur safranée, selon l'aspect de quelque autre Astre. Mars est le Pere du feu, aussi les pierres violettes & purpuri-

38 *La restitution de Pluton,*
nes, comme sont les ametistes & les
jaspes de toutes couleurs reçoivent
& tiennent de la propriété de leur
pere & geniteur, qui est de rendre
l'homme puissant & fort : mais
estant regardées de Jupiter, elles
chassent les fieures aiguës, causées
de chaleur excessives, & rappellent
les temperamens. Le verre & l'airain
jaunatre sont aussi attribuez à Mars.
L'Or Roy des metaux est enfant du
Soleil, n'admettant non plus de
roüille en foy, que son pere d'ob-
scurité. Les pierres flamboyantes
reçoivent leur teinture de cet Astre,
comme les escarboucles qui lui-
sent de nuit, comme les Chrisolytes
& les Topases qui tiennent de la
couleur d'or, les hyacinthes, les ru-
bis balais, & autres de couleur rou-
ge: La Páthaure bigarée & marquer-
tée de tasches noires, rouges, passes &

vertes, rosines, purpurines, & autres de mesme que la Panthere animal, dont elle porte le nom, ayant cette pierre autant de vertus, au tesmoignage d'Albert le grand, que de couleurs, rendant victorieux celuy qui la porte sur soy, ou qui la regarde au leuer du Soleil.

Venus qui se plaist aux choses humides, agreant l'eau autant ou plus que l'air donne naissance au cuiure & au léton.

Le Berille, qui rend l'homme aligre & amoureux (ce qui puluerise en l'eau guerit les douleurs de foye à qui en boit) luy est attribué.

Mercury de soy n'a aucune propriété, s'il n'est conjoint avec vne autre planette: aussi les diuerses couleurs meslées, comme celles de l'arc en Ciel, & des queuës de Paon luy appartiennent. Il n'est ny masse ny

40 *La restitution de Pluton,*
femelle, ains Hermaphrodite, ou
Androginé. Entre les minéraux il
gouverne l'argent vif (qui en tire le
nom de Mercure) les pierres biga-
rées, comme les Agathes & Porphi-
rites le recognoissent particuliere-
ment.

S'il a conjonction avec Venus &
Iuppiter, l'Esmeraude luy appar-
tient, si avec le Soleil la topaze luy
conuient, rendant agreables aux
Grands ceux qui la portent; à cause
de la dependance qu'elle a du Soleil:
mais elle reçoit de Mercure la vertu
de guerir les phrenetiques.

La Lune se conjoint avec tous
les Astres aux signes du Zodiaque,
selon ses diuers aspects & mouue-
ments: C'est vne Espouse commu-
ne, laquelle estant mitoyenne en-
tre le monde celeste superieur, & le
terrestre inferieur communique

avec tous. L'argent fixe reçoit d'elle l'influence & la generation. Et d'autant que les eaux de la mer, & des fleuves, suivent les mouvemens, ainsi les suivent aussi les choses froides & humides. Et si quelques pierres appartiennent à cest Astre, se sont particulièrement les perles qui se forment dans les conches ou coquilles de mer, comme aussi le corail; (Mais lors que le Soleil est en conjunction avec elle) auquel la couleur rouge appartient.

De ce que dessus il est aisé d'inferer pourquoy il n'y a point, ou peu de metaux qui ne soient meflangez dans les mines; d'autant que plusieurs causes concurrentes ensemble à la production de leurs effects, chacune retient sa vertu particuliere à produire l'effect qui luy est propre: Et parce qu'elles agissent en mesme

42 *La restitution de Pluton,*
temps & vniment, voila pourquoy
les effects qui s'en ensuiuent se treu-
uent melangez. Ce qui peut arri-
uer non seulement de la part de la
cause efficiente, mais aussi de la ma-
terielle, pour exemple.

Il y a vne mine de plomb tout pur
en Pologne, à la montagne de Ka-
karay, & c'est la seule que i'ay iamais
veuë. Or philosophant là dessus,
d'où cela pouuoit proceder, l'argu-
mentois ainsi : ou c'est l'Astre do-
minant qui cause c'est effect, ou bien
la matiere de ce metal : Or ce n'est
pas l'Astre ; d'autant que Saturne
gouernant ce metal, il est à croire
que le Soleil y contribuë de son co-
sté ; veu que selon les Philosophes,
il est la cause vniuerselle de tous les
effects sublunaires, d'où vient &
procède ce dire commun, *Sol & ho-
mo generant hominem*, donc il faut

de necessité qu'il ait esté vni à la generation du plomb à Saturne : par consequent le metal deuroit estre meslé, ce que n'estant point, il en faut rechercher vne autre cause qui ne peut estre que la materielle. Ce qui peut arriuer de ceste sorte, à sçauoir que la vapeur estât plus grossiere & terrestre, & la veine de la terre de la montagne contenant moins d'esprit chaud & humide, qui rarefie aucunement, ce qui est rendu pesant & solide par la froideur restringente, y contribuent aussi la qualité du planette : cela fait que la masse du metal demeure sans autre mixtion que de terre.

Mais quant aux metaux, d'ordinaire, ils sont mixtionnez comme le Mercure avec tous, le plomb avec l'antimoine & l'argent, le cuiure avec l'or & l'argent, & bien sou-

44 *La restitution de Pluton,*
uent avec le fer, l'or avec l'argent,
le cuiure & le plomb, l'estain avec
le plomb, & l'argent & le zain.

*En Chef
& conduit
leur des
mines,
doit sça-
voir plu-
sieurs
sciences.* De là vient, que ceux qui sont
maistres des mines, & qui sont chefs
& conducteurs doiuent aussi estre
meslez, & sçauoir tant la Theorie
que la pratique d'un bon nombre de
Sciences, & Arts Liberaux & Me-
caniques. Premièrement ils doiuent
*L' Astro-
logie.* sçauoir l'Astrologie, qui est fondée
sur la cognoissance de la Nature &
propriété du Ciel & des Estoiles,
pour afin qu'ils puissent preuoir les
pestes, les guerres, les famines, les
inondations des eaux, pour couper
les bois, fonder, bastir, & estayer les
mines, composer & fabriquer les
seize instrumens, & les sept verges
metalliques & hidrauliques sous les
ascendans des planettes, qui gou-
uernent les metaux & mineraux, à
quoy on les veut appliquer pour la

descouuerte d'iceux. Car chaque planette, comme nous auons dit, a gouuernement particulier sur vn metal ou mineral : Comme par exemple, si on vouloit composer la *verga lucente*, ou le grand compas solaire avec ses esquilles Geotriques, & Hydroïques, pour trouuer les mines d'or, & sçauoir s'il y a de l'eau dessous ou dessus la mine, & si elle ne passera point au trauers de quelque autre montagne, ou dessous quelque riuere, il le faut composer, le Soleil & les autres planettes estant situées, comme vous verrez par la figure du grand compas à la fin de ce liure : Et ainsi des autres instrumens.

Comme aussi pour cognoistre les temperamens & inclinations des hommes ; car comme dit sainct Thomas : Dieu tout-puissant, a ac-

46 *La restitution de Pluton,*
 coustumé de distribuer toutes les
 choses qui seruét à l'usage de l'hom-
 me, soit interieurement, soit exte-
 rieurement, par le moyen des Anges
 & des corps celestes : & au chap. 82.
 il dit que les corps celestes sont cau-
 se de tous les mouuemens & altera-
 tions qui se font dans ce bas monde.
 Et au chap. 54. 86. & 89. il enseigne
 en paroles expresses que Dieu régit
 & gouerne les corps inferieurs, par
 le moyen des superieurs : c'est à dire
 par les Cieux & par les Estoiles. Ce
 qui a obligé le docte Aleman de di-
 re, que le Medecin ignorant de l'A-
 strologie, est semblable au Nauton-
 nier qui single en mer sans rames ny
 gouvernail. Voicy ces paroles, *sine*
clauo, & ramis nauigat, naufragium
tandem factururus, qui absque ulla tem-
porum, & Astrorum obseruatione, Me-
dicinam facit; Est enim Astrologia,

Alemā
in lib. de
aëre, a-
quis &
loc.

dit le mesme Autheur: *Medici oculus, cuius si fuerit expertus, & inscius, merito cecus appellabitur. Medicus* (dit aussi le docte Valleriole) *non potest differere de morbi popularis natura, nisi prius considerauerit Astrorum ortum, & occasum, eorum presertim qui in aere, & hominibus magnas mutationes efficere solent (ut Canicula, Arcturi, Virgiliarum, &c.)*

Vallerio
la lib. 3.
enarrat.

1.

15

1507

Ils doiuent aussi scauoir l'Architecture pour bastir bien, & regulierement les fonderies, estayer les rochers, creuser les puits, pour tirer les mineraux, faire tous engins hydrauliques & autres machines, comme traictoirs, tripastes, colossicoteres, ciclyces, acrouatiques chorobates, dioptres, porrectum, canaux, rouies, Moulins, soufflets, & bref toute sorte de maçonnerie & charpenterie.

L'Ar-
chitectu-
re.

48 *La restitution de Pluton,*

*La Geo-
metrie.*

La Geometrie aussi leur est nécessaire pour appliquer par operation manuelle, chaque partie en sa necessité, & mesurer les latitudes, longitudes & profondeurs sur la superficie de la terre, & dans le fonds d'icelle.

*L'Arith-
metique.*

L'Arithmetique, pour iustement allier au creusol toutes sortes de monnoyes, suivant les ordonnances des Princes souuerains, & exactement cognoistre ce qu'elles viennent de fin, comme aussi pour sçauoir au vray les espreuues de toutes les mines & minieres grandement differentes à celles des monnoyes.

Pour sçauoir aussi faire iustement, & dresser exactement les poids de fin, & cent, & composer les esquilles des espreuues, dresser les comptes de tous les frais, sçauoir en outre faire des instruments propres à
discer

discerner de la surface de la terre, les métaux qui sont au dedans d'icelle.

La Perspective, pour avec bonne raison, donner le iour aux mines, aux officines, & au lieu des fontes, *La Perspective.*

La Peinture, afin de représenter, & dessigner toute sorte d'ouvrages dedans & dehors les mines à leurs ouriers, faire le plan desdites mines, des fonderies, martinets & puits, avec la conduite des eaux, pour rapporter le tout fidelement au Prince que l'on sert, *La peinture.*

Encores leur est nécessaire la science des hydrauliques, pour enlever du fond de la terre les eaux sur la superficie d'icelle, & les conduire à profit aux lieux nécessaires, pour faire jouïr les soufflets, battre & laver les mines, *La science des eaux.*

La Jurisprudence leur fait particulièrement besoin : car on doit sça- *La Jurisprudence.*

50 *La restitution de Pluton,*
voir les regles, coustumes, & ordon-
nances, obseruées en toutes les chā-
bres des mines de l'Europe: afin de
rendre iustice equitable aux Ou-
riers, Officiers & associez selon les
occurrences qui se presentent tous
les jours.

*Les lan-
gues.*

La cognoissance des langues leur
est aussi fort necessaire, au moins de
la Latine, Alemande, Angloise, Ita-
lienne, Espagnole, & Françoise,
pour se faire entendre à tous les ou-
riers, qui le plus souuent sont de di-
uerfes nations.

*La me-
decine.*

Ils ne doiuent non plus ignorer la
Medecine Galenique, Chimique,
& Astrologique pour se conseruer
des vapeurs arsenicales & autres ve-
neneuses, lesquelles sans preteruatif
& remede certain font mourir pro-
ptement tous ceux qui entrent aux
lieux où elles sont.

La Chirurgie aussi leur est neces- *La Chi-*
saire pour sçauoir promptement se- *urgie.*
courir, ceux qui se trouuent sous
quelques creuasses, qui ont les mem-
bres rompus ou blessez, & qui
sont attaquez de maladies peril-
leuses.

La Botomie & cognoissance des *La Bô-*
herbes qui nous monstrent le lieu *torie.*
des Metaux, & mesmes des fon-
taines:

Il leur faut encôres auoit l'usage *La Py-*
de la Pyrotechnie ou science des *rotech-*
feux, pour donner exactement la *nie.*
chaleur en iuste degré à la fonte des
Metaux.

De plus il leur faut cognoistre *L'art de*
l'art de Lapidaire, pour parfaitem- *Lapi-*
ment discerner les veines des Mines, *daire.*
les Fibres, les Roignons, & Speys,
qui se trouuent dans icelles, & co-
gnoistre les pierres fines d'auec les

52 *La restitution de Pluton,*
hapelourdes & faulles, afin de les
separer.

*LA THEO-
logie.*

Et principalement il leur est ne-
cessaire d'auoir la science de la Theo-
logie, pour en cas de necessité
(n'ayant dans les Mines ny Prestres
ny Ministres) conseruer dans icelles,
& parmy les Ouuriers, la pureté de
la parole de Dieu, telle qu'elle nous
est proposée dans les saintes Escri-
tures, sans y rien changer, ne mesler,
ny adiouster ny diminuer ainsi
comme luy-mesme le commande,
comme aussi pour exhorter les ma-
lades priuez dans ces bas lieux de
tout secours humain.

Dent. 4.

Prom. 30

Apoe.

22.

Pse. 12.

Pse. 18.

19. &

119.

Car les Ouuriers estant de diuer-
ses nations, & de diuerses religions,
(principalement en Hongrie, com-
me Philipistes, Anabaptistes, Calui-
nistes. Luteriens, Zuingliens. Huil-
sites, Vigandistes, Majoristes, Osian;

dristes, Antitrinitaires, Schimidelistes, Antinomiens, Synergistes, Adiphoristes, Srentifeldistes, Flaccians, Substanciaires, nouveaux Manicheans, Mahometiques) tous lesquels, quoy que moralement ils soient fort gens de bien, & fort zelez en leur Religion, & tres.obeissans à leur Prince & a leur Supérieur, ils ont neantmoins grand besoin que leurs Generaux, & Principaux Conducteurs soient capables de les enseigner & instruire à la voye de salut & dans la cognoissance de la foy de nostre Seigneur Iesus-Christ.

Finalemēt il faut plēnēmēt & *Lachy-
mīe.* entīerēmēt sçauoir la Chymie, pour separer l'Homogene d'avec l'Eterogene, le Semblable d'avec le Dissemblable, & le Pur d'avec l'Impur, autrement on se met en hazard de

54 *La restitution de Pluton,*
perdre sa peine & son temps, &
auoir occasion de se plaindre avec
Orphée dans Ouide.

Omnia ibi effusus labor.

*En vain i'ay trauaillé, ma peine est
inutile.*

Ce qui arriue souuent à ceux, qui
ignorans cest art, vendent l'or &
l'argent meslez avec le cuiure & le
plomb, & parmi les autres métaux,
& il se trouue qu'au lieu d'enrichir,
ils multiplient leur tout en rien;
chose à quoy les Roys & les Prin-
ces souuerains doiuent bien prendre
garde, & n'employer toutes sortes
de personnes qui se presentent à eux,
pour trauailler & conduire leurs
mines, s'ils ne sont au prealable ex-
perts en tout ce que ie viens de speci-
fier; & s'ils ne sçauent tirer l'or &
l'argent de tous les métaux, sans au-
cune diminution desdits métaux, &

s'ils ne sçauēt retrouver leur plomb: car la perte du plomb, aux essais ordinaires porte beaucoup de despence, comme aussi s'ils n'ont parfaite cognoissance de leurs Schlackes, Schlackestain, & Rupterlach: Car autrement ce seroit faire des frais pour n'en retirer aucun profit.

Or en toutes ces cognoissances, par la grace de Dieu, mon mary & moy sommes experimentez, dont il a rendu tant de preuues deuant vn bon nombre de grands Monarques de la Chrestienté, qu'il n'est plus loisible d'en douter; Mais comme i'ay dit cy-deuant, *Ex vngue Ironem cognoscent*, & que ie n'en sois pas creuë, si on le veut voir, cela est fort facile.

Au surplus outre les cognoissances susnommées, il est necessaire à ceux qui veulent entreprendre d'ou-

56 *La restitution de Pluton,*
urir les mines, qui iamais ne le fu-
rent, d'auoir grandes sommes de de-
niers, de bonnes correspondances,
& nombre d'associez pour trouuer
de l'argent à toute heure & sans ces-
se pour payer les ouuriers, acheter
les bois, les forests, & choses neces-
saires, ce que peut mon mary en ce
subiect: Si bien que s'il plaist à sa
Majesté & à vostre Eminence,
MONSEIGNEUR, de faire veri-
fier nos articles, desquels Monsieur
d'Emery a esté Rapporteur, apres
Monsieur Cornuel, & qui sont en-
tre les mains de Monsieur de Bre-
tonuilliers depuis le voyage de
Nancy; On congnoistra euidem-
ment qu'il est possible d'augmenter
ses finances sainctement, & rendre
son Royaume vn des plus puissants

En Frã en mines de l'Vniuers. Car en Fran-
ce se trou
ue pres- ce il se trouue presque de tout ce

qu'on va chercher chez les estrang-
 gers, sauf les espiceries du Levant,
 les Monstres d'Afrique, les Ele-
 phans, les Lions, & autres animaux
 de haute stature de l'Asie, les Ca-
 stors de Canada, les plantes aroma-
 tiques des parties meridionales, cho-
 ses dont la France se peut passer ai-
 sement, & qui ne sont aucunement
 necessaires à la vie humaine, com-
 me est le bled, le vin, les fruiets, &
 les autres animaux propres & neces-
 saires à l'entretien & nourriture de
 l'homme, que nous auons icy en
 abondance. Et en outre les metaux
 sont en ce país aussi bien que chez
 les externes: Que si l'Espagne vante
 son Acier, & l'Allemaigne son Fer:
 Il y a en ce Royaume de tres-bon-
 nes mines de Fer, & des hommes
 tres-capables, pour en faire de tres-
 bon Acier, & aussi bon que celuy

que de
 tout ce
 qu'on va
 chercher
 chez les
 estran-
 gers.

58 *La restitution de Pluton,*
de Piedmont ou d'Espagne. Mes-
mes nous auons des mines de Fer
fort riches en argent, desquelles sa
Majesté peut tirer grande somme
de deniers, outre le profit qui vient
de son dixiesme, en obligeant les
Maistres des Forges de faire faire
l'essay de leur mine auant que de la
fondre & d'en donner l'espreue
avec le billet du Maistre Essayeur
au premier Iuge Royal qui sera obli-
gé de l'enuoyer au grand Maistre
des Mines, ou au premier de ses
commis capable des espreues des
Mines, ou par luy deputé pour la vi-
site d'icelles, & de la capacité du-
quel il demeurera responsable à sa
Majesté.

*Auis
utile au
Roy.*

En outre il y a en France du souf-
fre vis de plusieurs couleurs, blanc,
gris, jaune, verd, & rouge, du Ci-
nabre Mineral, qui contient quan-

tité de Mercure. De cinq especes
d'Ambre, du Cendré, du lalme, de
couleur de Miel, de couleur de Vin,
& de couleur d'Or; De neuf especes
d'Ocre; six de Sil, & quatre de ter-
re Selenusie, de Paretoine, de Bols
aussi bons que ceux d'Armenie, &
trois bones mines de Melin, de dou-
ze especes de Talc, deux mines
d'Antorax. Il y a de la terre sigillée
aussi bonne que celle du Levant, &
d'autre aussi propre contre les poi-
sons que la terre de Malthe, quanti-
té de pierres sanguines, d'autres vul-
gairement appellées langues de ser-
pens; propres à faire vases, en fin
quantité d'Azur.

Que si l'Angleterre se vante de
son Plomb, & de son Estain, il y en
a en France de pareil & en plus gran-
de quantité. Si la Hongrie, la Dal-
matie, & la basse Saxe se vantent de

60 *La restitution de Pluton,*
leurs mines d'Or & d'Argent, la
France en contient de tres bonnes.
Si l'Italie se vante de ses Marbres, la
France en a de toutes couleurs, & de
beaux Porphyres, Iaspes & Albastres:
Si Venise s'exalte de son cristal, elle
n'a en cela rien plus que la France:
Si la haute Hongrie se glorifie de la
diuersité de ses mines, la France en
a de toutes sortes & en abondance:
côme aussi de tous mineraux, com-
me Salpêtre, Vitriol blanc, vert &
bleu. Elle a de quatre sortes d'or-
piment, sçauoir du blanc, dit Arse-
nic, du jaune cômme Or, du blaf-
fard, qu'on nomme Rosagallum, &
du rouge vulgairement appellé San-
darachi. Si la Pologne a ses mon-
tagnes de sel, la France a des Salines
en grande quantité & en diuers en-
droits du Royaume, cômme aussi
grand nombre de fontaines salées.

Pour les pierres , elle a grande quantité de carrieres de pierres de tailles , pierres à chaux , de meules de moulins , meules à aiguiser lancettes , rasoirs , ciseaux , & autres instrumens , & quantité de plâstrieres & de gip , des pierres à feu , de l'Emery gris & rouge : Elle a comme i'ay dit cy-dessus des mines de toutes pierre-ries fines , comme Amethystes , Agathes , Emeraudes , Hyacinthes , Rubis , Grenats , Saphirs , Turquoises , & mesme des Diamants , & en ou-
tre elle a des ruisseaux où il se trouue des Perles , & de toutes sortes de Pierreries.

La France a aussi de la Calamine , du Bitume , de la Poix , de l'Huile de Petrole , de la Houille , aussi bonne que celle du Liege , & des Tourbes à brusler pareillemét aussi bones que celles de la Hollande : qui me

62 *La restitution de Pluton,*
faict dire que si l'Europe est vn ra-
courcy du Monde, la France est vn
abregé de l'Europe.

*Droit de
dixiesme
à sa Ma-
jesté.*

OT MONSIEUR, sur
toutes ces choses-cy dessus desdui-
tes : Sa MAIESTE' a droict de
dixiesme pour la souuerainneté de
la Couronne, comme ont tous les
autres Princes Chrestiens, à sçauoir
sur l'or, sur l'argent, cuiure, fet,
estain, plomb, Mercure, ou argent
vif, Arquifoux ou Vernix, Orpi-
ment, Arsenic, souffre, Selpetre,
Sel Gemme, Sel Armoniac, Vi-
triol, Couperose, Alum de Roche,
Alum de plume, Antimoine, Zain,
Espiautre, Bol, terre sigillée, Ocre,
Charbon de terre, Tarc, Ambre,
Iayet, Marbre, Iaspe, Porphise,
Plastre, Gip, meules de Moulin,
à aiguiser, Ardoises fines, grises &
noires, Ardoises grossieres dites de

Matte, Goïtran, Poix, Bitumes Petrole, Gómes terrestres, Emeri, Pierres à feu, Marchasites, Pierre Calaminaire, Pierre sanguine, Pierre-ponce, & toutes pierres fines & communes; toutes terres minerales, salées & vitriolées, Houille, Tourbes, Azur, vert de terre, & toutes autres substances terrestres, dessus & dessous la terre, & dedans les eaux, lequel dixiesme est maintenant inutile à la Majesté, & ne s'en peut faire payer équitablement, que par personnes capables de leur connoissance, & qui sçache distinguer les Metaux, mineraux, & semiminaux, les vns d'auec les autres, avec leur iuste valeur, pour euitier aux fraudes & abus qui s'y pourroïent commettre, à faute de ladicte connoissance.

Maintenant, M O N S I E U R,

64 *La restitution de Pluton,*

Les raisons qu'on peut donner au Roy pour empêcher d'ouvrir ses Mines.

ie desdiray les raisons, qu'on pourroit, ce me semble, mettre en auant pour destourner sa Majesté d'ouvrir les Mines de son Royaume, & priuer l'Estat d'un si grand bien, & puis par apres i'y respondray ponctuellement.

Premierement celuy qui regarde tout d'un œil oblique & louche, dira en un mot, que c'est un abus de vouloir chercher des mines en France: de sorte qu'il y en a encor plusieurs en cest erreur, qui croient, qu'il n'y en peut auoir.

L'autre voulant faire le prudent & preuoyant, dira que ce que i'en propose, n'est que pour attrapper quelque argent de sa Majesté, ainsi que plusieurs par cy deuant, qui vrais charlatans ont assez promis, mais iamais rien effectué.

Vn troisieme plus equitable, regardant

gardant à l'intérêt des particuliers, objectera que peut estre, en ouvrant les mines, on prendroit les terres des lieux où se trouueroient lesdites mines & mineraux sans recompenser les propriétaires.

Vn autre, craignant de prendre l'incertain pour le certain alleguera le danger qu'il y a de faire cesser le commerce avec l'Estranger.

Vn autre doublant le coup pour-
ra argumenter que s'il y eust eu des mines en ce Royaume, les François n'eussent esté si long temps priuez de ceste cognoissance.

Finalemēt, vn autre voulant trancher du Philosophe, alleguera (aux fins de conclure à la negatiue) qu'on ne peut auoir cognoissance des choses cachées sous la terre, sans Magie ou reuelation des demons.

66 *La restitution de Pluton,*

Telles & autres objections m'ont esté faites en diuers rencontres, & par diuerses personnes.

*Respon-
ces aux
raisons
susdites,*

A quoy ie responds, Premiere-
ment qu'il faudroit que ie fusse des-
pourueü de jugement & de raison,
d'auoir employé trois cents mille li-
ures, à la delcouuete des mines, sans
ce que nous y employons encores
tous les jours avec hazard de nostre
vie en plusieurs endroits, sans certi-
tude & assurance d'en retirer les
fructs & emolümens.

Les sages font tousiours leur pro-
fit du malheur d'autruy.

*--- fœlix, quicumque dolore
Alterius, discas posse carere tuo.*

Secondement, de dire que c'est
pour attraper quelque argent, ce que
ie propose encores moins. Car au
contraire nous offrons d'auancer les
deniers, & frayer à la despence des

ouuertes des Mines, comme nous auons fait pour la descouuerte d'icelles depuis dix ans, sans auoir receu vn seul denier, ny secours de personne du monde, pourueu que le Roy nous face jouyr de nos articles.

Pour ce qui est objecté, touchant les particuliers, & propriétaires des lieux où sont descouuertes, & se descouuriront les Mines; Je responds que le Roy a le principal interest pour ses droits de souueraineté, neantmoins il y aura assez dequoy les rendre contents, *arbitrio boni viri*. Ioinct qu'ordinairement les mines ne se rencôtrrent gueres qu'aux montagnes inhabitées & desertes en telle part où sont lesdites mines, à cause de l'ingratitude de la terre, qui nourrit les metaux dans son ventre pour iamais ne les mettre dehors que par force & violence, & par l'industrie

68 *La restitution de Pluton,*
des hommes ingenieux, ressemblant
à la mere de Georgias l'epyrote
qu'il fallut ouvrir morte pour tirer
l'enfant vif de ses entrailles.

Quant au commerce qui se fait
avec l'Estreanger en temps de paix ;
tant s'en faut que l'ouuerture des
Mines le face diminuer, que plustost
il s'en augmentera , au contente-
ment des François ; d'autant que
par ce moyen le Roy , avec vne si
grande quantité de finances , qui
prouiendront de la Benediction du
Ciel seulement , & non de la ven-
te de nos Marchandises , pourra fa-
cilement diminuer les Tailles & les
subsides de ses subjects , & soudoyer
cent mille hommes de guerre, qui
seront tousiours prests pour son ser-
uice : Comme aussi enrichir les ports
des Mers de la France, les munissant
d'un bon nombre de Nauires, où

Marchands, ou de guerre, ceux-la bien equippez pour passer les de-
stroits des Barbares sans danger, les-
quels causent de grandes pertes à ce
Royaume, (la seule ville de Mar-
seille ayant perdu plus de quatre
millions, par les prises que ceux de
Thunis, & d'Arger ont faictes sur
eux), Ceux-cy pour courir sur les
pyrates & escumeurs de mer. Je ne
dis pas seulement en quelque petite
estenduë de la mer Mediterranée;
mais aussi iusques où les Portugais
se sont auancez dans l'Asie: d'autant
que la France estant plus nombreu-
se d'hommes que l'Espagne, elle se
peut rendre puissante en mer & en
terre avec l'argent de ses Mines, qui
seruit pour bastir grand nombre de
vaisseaux, & avec les hommes dont
elle abonde, pour les remplir, quand
mesmes il n'y auroit que les vaga-

70 *La restitution de Pluton,*

*Moyens
d'employer
en temps
de paix,
& faire
gagner
la vie
aux va
gabons
de la
France.*

bonds, bateurs de paué, filous, coupeurs de bourse, & autres inutiles à tout bien, lors qu'ils sont en leur pleine liberté: Car par ce moyen on en pourroit purger la ville de Paris, & autres de ce Royaume, en les contraignant de seruir le Roy & l'Estat par mer: Comme aussi par ce moyé les femmes, filles & enfans, qui souuent vont mendier aux portes, autant par coustume que par necessité, seroient instruites aux arts Mécaniques, & ainsi les villes où il n'y auroit point de faineants, seroient rendues beaucoup meilleures, les ouvrages de la main seroient enuoyés sur mer, aux pays estrangers, & ceux qui y vaqueroient en rapporteroient le profit.

Les Cadets des pauvres Noblesses en temps de paix trouueroient vne occasion d'honneste exercice,

sans déroger à leur qualité, & pourroient acquerir de la reputation, & des biens de fortune qui leur appartiendroient iustement, & au moins leur tourneroient à plus grand honneur que de courir tout le jour à la chasse pour ne rien prendre, que de pil'er le pauvre paysan, ou se faire enrroller au nombre des coureurs de faux sel, pour viure aux despens du partisan, qui est proprement vn office d'Archer, non de Gentilhomme.

Qui voudroit obuier aux oisifs, & en purger tout à faict la France, il faudroit (ie diray cecy avec vostre permission Monseigneur) y establir vne loy telle que celle qu'Amasis

*La loy
du Roy
Amasis
seroit v-
telle en
France.*

72 *La restitution de Pluton,*

temps toute l'année, & celuy qui l'auoit passée à ses plaisirs seulement estoit cōdamné à vne certaine peine.

Quant à ce que les Mines n'ont esté descouuertes en ce Royaume iusques à present, ce n'est pas vne consequence necessaire, qu'il n'y en ait point, & ce seroit vne grande ignorance & stupidité, à celuy qui voudroit ainsi argumenter, ie ne fus iamais sur la Mer & ne l'ay iamais veuë, donques il n'y en a point : car il faut qu'il s'en rapporte, & qu'il en croye ceux qui l'ont veuë ; Aussi ceux qui doutent, ou qui ne croyent pas qu'il y ait des Mines en France, s'en doiuent rapporter à nous, & nous en croire, à nous dit ie qui en portons les espreuues & qui en auons faiet les descouuertes, comme fut aussi faiet de quelques vnes par le sieur de Roberual l'an de grace 1557.

*Le sieur
de Rober-
ual a esté
maistre
des Mi-
nes & les
a fait
travail-
ler en
France.*

Sainct Augustin a nié jadis qu'il y eust des Antipodes, par-ce que de son tēps on ne croyoit que sept ou huit Climats habitables au monde, & ne pensoit-on pas alors qu'au dela de la ligne, il y eut des hommes sous l'Equateur mesmes, par-ce que la Zone Torride est trop bruslante: Mais l'experieuce a bien fait veoir le contraire.

Car Christofle Colomb disoit jadis il y a vn nouveau Monde, és Indes Occidentales; qu'on me donne, & fournisse vn equipage suffisant de vaisseaux pour y arriuer, ie les decouureray infailliblement: Alors on se moquoit de luy, peut-estre par-ce qu'il n'estoit pas somptueusement habillé, ni son train assez splendide, peut-estre pour-ce qu'il n'auoit pas la moustache assez bien releuée, ny assez d'argent pour en

Christofle Colomb est moquée du Conseil du Roy.

74 *La restitution de Pluton,*
donnerà ceux qui ne font rien que
par interest, tant la France est aveu-
glée, qu'elle n'estime pas qu'une
personne simplement vestuë, puis-
se sçavoir quelque chose.

Diogenes roulant son tonneau
avec ses haillons, n'eust pas esté en
ce temps cy, bon Philosophe à l'o-
pinion du vulgaire, qui croit que la
science est incompatible, avec ce-
luy qui ne fait grande parade d'ha-
bits & d'equipage. Vraye Boheme-
rie de ce temps, de laquelle les plus
rusez se seruent pour abuser ceux qui
le veulent estre : La cognoissance
que j'ay de ces legeres volages hu-
meurs, me fait ainsi parler avec rai-
son & jugement.

Je reuiens doncques à Christofle
Colomb, pour dire qu'au repentir
des François, & au bien & auantage
des Espagnols, (ennemis de la Fran-

ce) il a descouuert les Indes & les Mines d'icelles: mais nous, nous ne le descourirons pas, car nous les auons descouuertes en France; & de plus nous les ouuirons (MONSEIGNEUR) toutesfois & quantes il plait à la Majesté, & à vostre Eminence nous faire jouir de nos articles; nous les bastirons, nous establirons l'ordre des Officiers qui sont necessaires; Et bref nous les rendrons en estat de valoir, & de rendre à la Majesté autant & plus, que celles des autres Princes Chrestiens: & ferons vn parfait établissement de tant de riches & precieuses Mines, dont la France est enceinte, ne demandant qu'vn peu d'ayde pour nous enfanter l'abondance, le repos & les delices, la joye, & la victoire contre les ennemis des Lys, que le monde reuere, & que les Rois che-

76 *La restitution de Pluton,*
rissent. Et alors tout le monde di-
ra du Roy tres-Chrestien, avec estó-
nement & verite, ce qui a esté autre-
fois de Salomon, comme il est reci-
té au premier liure des Rois chap. 23.
& 24. Ainsi le Roy Salomon fut
grand plus que tous les Rois de la
terre, tant en richesses qu'en Sapien-
ce, & au 24. est dit que tous les ha-
bitans de la terre cherchoient de
voir la face de Salomon, pour ouyr
la Sapience que Dieu auoit mise
dans son cœur, & au 25. Que cha-
cun luy faisoit des dons, & luy ap-
portoient des vaisseaux d'or & d'ar-
gent, des habillemens, des armes,
des chevaux & mules, des espiceries,
& autres choses precieuses, & ce par
chacun an. Or comme l'Escriture
saincte est toute parfaicte en toutes
ses parties, aussi elle s'explique elle-
mesme par tout, nous apprenant &

*Riches-
ses de Sa-
lomon.*

monstrant au doigt & à l'œil la cause seconde (après l'admirable benediction de Dieu) de ce triomphe, de ceste pompe magnifique, & de ceste gloire incomparable de Salomon, comblé d'honneur, d'amis, & de richesses: C'est que comme il appert au chap. 9. du mesme premier & troisieme liures des Rois ch. 26. 27. & 28. Le Roy Salomon equippa aussi vne flotte en Hetrongeber près d'Helots, sur le riuage de la mer rouge au pays de Dem, & au 27. Et Hiram enuoya de ses seruiteurs, gens de Marine, qui sçauoient ce que c'estoit de la mer, avec les seruiteurs de Salomon en cette flotte, & au 28. Et ils vindrent en Ophir, & prirent de la quatre cens & vingt talents d'or & les apporterent au Roy Salomon.

*Mines
Dorphy.*

Après ces heureux voyages de

78 *La restitution de Pluton,*
Salomon (qui ont donné courage,
& enseigné la route à cette toison
d'or. qui est si orgueilleuse, & qui
semble vouloir entrainer & mettre
tout sous l'ombre des colliers de cet
ordre, plein de fruit, de bruit, & d'A-
mour.) Nous voyons au second des
Chroniques chap. 9 vers. 10. 11. &
12. 20. & 21. que les richesses & opu-
lences Royales de Salomon estoient
si majestueuses en toutes leurs singu-
laritez, que toute sa vaisselle estoit
d'or & les vaisseaux de la maison
du parc de Liban estoient de fin or,
& pas vn d'argent, d'autant que l'ar-
gent n'estoit rien estimé es iours de
Salomon. Car les nauires du Roy
alloient en Tharsis, & les seruiteurs
de Giram, & les Nauires de Thar-
sis reuenoient de trois en trois ans
vne fois, & apportoient de l'or, de
l'iuoire, des singes, des paons, & des

perroquets.

Or (MONSEIGNEUR) si les ancêtres de nostre grand Roy Louys le Juste, estant jadis occupés à vne infinité d'expéditions militaires & glorieuses, n'ont point eu ce bonheur d'entendre ny de recevoir les salutaires & profitables conseils de cest heureux Genoïs, ce descoureur de mondes nouveaux, si opulents & si riches, dont les ennemis de cette Couronne ont si bien sceu se preualoir aux occasionstant de la guerre, que de la paix: Si dis-je, le malheur des François a esté si grand, que les Ancestres de nostre grand Roy n'ayent pas entrepris ces voyages du Perou & de l'Ophir, d'où l'Espagnol a puisé tant, & tant de millions d'or & d'argent pour captiver toute l'Europe; Qu'aujourd'huy, MONSEIGNEUR, il plaise

80 *La restitution de Pluton*
à sa Majesté, & à vostre Eminence,
escouter les veritables & palpables
conseils que mon mary & moy
osons donner à sa Majesté & à vo-
stre Eminence, pour l'accroissement
de sa gloire, le bien de ses peuples,
& l'honneur de la France, France
qui est le seul & vniue que joyau du
monde, opulente en biens, en fruiets,
& autres choses necessaires à la vie
de l'homme, & encores si remplie
& feconde en tresors, qu'elle est
suffisante de le faire égaller à Salo-
mon, tant en sa gloire qu'en ses
richesses; puis que Dieu le benit
visiblement en toute sa vie, tant en
guerre qu'en paix.

C'est aduis (MONSIEUR) ne va point à la foule des subjects de
sa Majesté, ains au contraire à leur
enrichissement, ce ne sont point des
creations de nouveaux Officiers:

Nous

à son Eminence. 82

Nous demandons seulement la seureté des biens que nous auons employés ; & des deniers que nous auons despencez ; & que nous employerons & despenserons cy apres, pour remplir vos coffres de Thresors, & de finances, pour enrichir vos sujets, ouurant dans vos Provinces des fontaines ; qui jetteront l'or & l'argent gros comme le bras, & le tout par des moyens aussi iustes & innocens que l'innocence même.

Car (Monseigneur) il ne faut *Genese 2.* point douter, que dès la creation du monde, Dieu ne les ait mis en cet Empire, en ce climat delicieux, en ce noble Royaume ; comme en la terre d'Euilach, & aussi bien qu'au Perou, afin que sa Maïesté s'en serue à son besoin, & à sa necessité ; pour vaincre ses ennemis & soulager les peuples, & les arrouser de

82 *La restitution de Pluton;*
plusieurs Phifons cest a dire de plu-
sieurs fleuves delicieux qui environ-
nent ses mines d'or & d'argent.

Quant à ses ennemis (M O N-
S E I G N E V R) il n'y en a plus au
monde de descouverts qui ne trem-
blét; Dieu qui l'ayme, & le conseil-
le par vostre prudente preuoyance,
les a foudroyez, & foudroyera ceux
qui restent par son bras, aussi inuin-
cible par les conseils de vostre Emi-
nence, qu'infatigable par sa nature.
Toute l'Europe admire ses Lauriers,
& la France desormais y pourra
cueillir des Oliues de paix, & se re-
faire & restablir de tant de maux
qu'elle a soufferts par les guerres
passees.

He quoy (M O N S E I G N E V R)
seroit-il possible que sa Majesté, &
son Conseil, dont vous estes la Cy-
nosure, puisse refuser qu'on ouure

en France non vn puits, non vne fontaine, mais vn abisme de richesses & de tresors infinis? Qui sont les plus prompts moyens pour restablir, selon vos augustes desseins, son Royaume en sa premiere splendeur, en la premiere & ancienne gloire, & mettre les subjects en vn si profond, & si solide repos, qu'ils beniront eternellement les iours de son regne, & de vostre sage conduite; pourueu seulement que les Laboueurs & Vignerons, en escorchant la premiere peau, & la surface de la terre, l'aydent à produire des tresors infinis, vriles non seulement aux François, mais aussi aux Estrangers, qui ne viuent quasi que des fructs de la France.

Combien augmenterons-nous, par nos heureux trauaux ceste abondance? Les moissons, M O N S I E U R

84 *Larestitution de Pluton,*
G N E V R, & les vendanges ne vien-
nent qu'une fois l'an en France, mais
nos cueillettes se ferót tous les iours,
d'autant qu'à tous momens nous
puiferons des thresors infinis dedans
le ventre de la terre, qui ne demande
qu'à estre ouuerte, pour monstrier à
la Majesté de combien de sainctes
benedictions Dieu par sa toute puis-
sance a coronné sa vie Royale à cau-
se de la iustice qu'il luy a donnée en
sa misericorde.

Que sa Majesté doncques, MON-
S E I G N E V R, ouvre les yeux à la
lueur plaisante de tant de grands
tresors qui sont encores cachez & à
couuert dedans plusieurs mines de
vos Prouiñces.

*pourquoi
les mines
ont esté
si long-
temps
inutiles
en France.*

Ceux qui s'estonnent de ce que
les mines ont esté si long temps ca-
chées aux François, doiuent scauoir
pour raison tres-Veritable, que c'est

d'autant qu'il ne s'est trouué iusques icy aucun qui eust la science & cognoissance de les descouuir, ou bien que l'on a eu apprehension de la despense, lors qu'il eust fallu percer des montagnes, & du plus haut & superbe sommet d'icelles, en faire des abismes, ou bien que les Ministres de l'Estat aux siecles passez, ont tenu en longueur ceux qui vouloient entreprendre leurs ouuertes, & par cette longueur inconsiderée, leur ont fait despendre leurs biens, & les ont contraincts de se retirer ailleurs, sans que les Rois regnans alors ayent esté deüement & plainement informez de la perte que ces mespris & negligences apportoit à leurs finances. Car souuent fois (ô malheur du siecle où nous sommes: plusieurs regardent plustost leur interest particulier & present, que le

86 *La restitution de Pluton,*
soulagement du pauvre peuple. Peu-
ple que la guerre, la peste, & la fami-
ne, les trois fleaux, ains les foudres du
Ciel, ont presque escrazé sous le
mal-heur de ces miseres pitoyables.

Peut-estre aussi, que ceux qui y
auoient faict quelque commence-
ment, ont esté troublés, vexez, &
empeschez en leurs ouurages, pour
auoir leur bien, comme la Touche
Grippé, lequel iniustement & sans
adueu m'a empesché & trauersé,
en la Prouince de Bretagne: Car
telles gens sont capables de destour-
ner & faire cesser l'ouuerture des
Mines, voire mesmes de ruiner tous
ceux qui fidellement veulent seruir
le Roy au soulagement de son peu-
ple. Mais si telles gens, ennemis du
bien public, estoient griefuement
punis selon leurs crimes, les autres
(aussi enuieux qu'eux) regarderoiét

deux fois à ce qu'ils veulent entreprendre. Car le retardement, de sept ou huit iours seulement, qu'ils peuvent faire, ou causer malicieusement au travail d'une mine, est capable de ruiner, & l'entrepreneur & ses associez. La raison de cela est, que la mine, pendant ce tēps, se réplit d'eau & qu'il faut de nouveau apporter beaucoup de peine, de frais, de despence, & de temps pour l'attirer, & ce pendant par la force des eaux, les estayemens & supports se rompent, les rouës se brisent & fracassent, les canaux se ferment, & bref il faut recommencer tout comme si elles n'auoient iamais esté ouuertes, & ainsi la despence & le temps qu'on y a employé est inutile & perdu. A quoy on pourroit facilement obuiuer, & empescher vn tel desordre, en establiſſant vne chambre souue-

88 *La restitution de Pluton,*
raine des Mines (comme il a esté
faict du regne du Roy Henry se-
cond en l'an 1557. laquelle en attri-
buat la iurisdiction souveraine à la
Cour des Monnoyes à Paris, & y
constituant pour Officiers ceux qui
en seroient dignes & capables, &
qui par effect entreroient dans les
mines, & auroient la cognoissance
du dedans & du dehors d'icelles, &
la pratique des instruments & des
instructions de tous ceux qui ont
quelque Office dans lescites mines,
comme il se fait dans toutes les mi-
nes de tous les Princes Chrestiens, y
faisant exactement observer & exe-
citer, les Ordonnances, Arrests, &
Reglemens faits sur l'ordre & poli-
ce d'icelles. Bel ordre que j'espere
vn iour mettre en lumiere, pour
l'instruction des François, & pour
le bien de la France.

Finale^{ment}, pour reſpondre à ceux
qui tranchent par leur impertinence,
& qui ſouſtiennent (aueuglez qu'ils
ſont d'ignorance & de ſtupidité)
qu'il faut eſtre Magicien pour trou-
uer les choſes cachées dedans les vei-
nes de la terre, ou bien qu'il n'y a
que les Démons ſeuls qui en ont la
cognoiſſance : Je diſ, qu'il y a donc
beaucoup de Magiciens au monde,
& veux prouuer par là, ſelon la fan-
taſie de ces ſcauanteaux, que ces
Magiciens, ſi tels ſe doiuent appel-
ler, ſont les plus vtilés aux Princi-
pautés par l'or & l'argent qu'ils leur
fourniſſent, & qui ſont l'ame & les
nerfs du commerce & de la vie acti-
ue, tant dedã, que dehors le Royau-
me: Par eux les villes & citez ſont
conſeruées floriffantes : Par eux les
peuples ont toute ſorte d'abondan-
ce : Par eux les ennemis ſont repouſ-

*Que les
Mines
ne ſepen-
uent trou-
uer ſans
l'aide des
Démōs.*

90 *La restitution de Pluton,*
sez, les amis conseruez, les soldars
bien entretenus & disciplinez, &
bref plusieurs autres benefices pro-
uiennent aux Republicques par ces
Metaux, qui ne sont tirez d'ailleurs
que des veines de la terre où ils sont
cachez, & lesquels sont si necessai-
res, qu'à peine s'en peut-on passer,
pendant le cours de ceste vie huma-
ne. Or est-il (ce disent nos Censeurs)
qu'on ne les peut tirer, ny auoir des
lieux sousterrains, & cachez, que
par la reuelation des Demons, qui
les descouurent aux Magiciens, par
le moyen desquels nous en auons
la cognoissance; Doncques (se di-
sent ils) ces Magiciens sont telle-
ment necessaires aux Republicques,
qu'à peine s'en scauroit-on passer.
Mais de ce Syllogisme faux, quant à
sa matiere, s'ensuit vn nombre infi-
ni d'absurditez. Car premicrement

il ne faudroit point condamner les Magiciens aux supplices, comme pestes des Societez, ains au contraire il les faudroit soigneusement rechercher, caresser & precieusement conseruer, comme personnes tres-vtiles & vrais truchemens (s'il faut ainsi dire) de tant de tresors & richesses cachees & occultes, sans lesquelles nous serions priuez d'une infinité de commoditez, & de biens qu'il a pleu à la diuine Bonté de verser à pleines mains sur les hommes, lesquels avec artifice en peuuent tirer de l'usage.

• Ils disent aussi que les Mineurs & renuerseurs de terre ne pourroient faire leur salut en ce traual, qui ne reüssiroit qu'apres auoir consulté les Demons des Mines, par les Magiciens: Mais si cela estoit, les Rois & Potentats seroient eux-mesmes

92 *La restitution de Pluton,*
complices de ces impietez, voire
mesmes auteurs d'un crime si dete-
stable, en permettant ces maluerfa-
tions & profanations. Mesmes l'E-
glise tollerant telle sorte de gens sans
les poursuiure par Anathemes & au-
tres comminations, seroit elle-mes-
me souillée de telles abominations:
*car, qui non vetat peccare, cum possit
iuber.*

Mais ces Censeurs, ou plustost
Reueurs, ont mal appris, & sont mal
informez des loix & des regles de
nos diuines sodines, qui estoignées
de telles meschancetez & supersti-
tions, ne reçoient dans leurs socie-
tez aucun homme vicieux, ny tas-
ché d'aucun crime, ains tous sont
contrains, auant qui estre recetus
d'apporter bonne attestation de leur
Euesque ou Pasteur, avec bon cer-
tificat des Magistrats, Bourgmai-

*Nul hō-
me vici-
eux n'est
recetu
aux mi-
res.*

stres, ou Echevins du lieu de leur naissance, comme aussi bon passeport & licence du Prince qu'ils ont serui; (comme nous auons fait venant en France, ce que le Lecteur pourra voir, & en contenter sa curiosité, à la fin de ce liure, & entre autres, nous auons pris attestation du serenissime Prince Henry de Nassau Prince d'Orange, quand nous auons amené nos ouuriers d'Allemagne, en France, par la Holande)

En somme les larçons, les particides, & meurtriers ennemis du genre humain en sont chassez; comme aussi les fornicateurs & adulteres, preuaricateurs, & ennemis des Commandemens de Dieu, & generalement tous crimes defendus par les Loix diuines & humaines n'y sont point tolerez en façon quelconque.

Tout le monde sçait que le Plomb,

Exod.

20.

Leui. 19.

1. Cor. 6.

Pier. 4.

Iean. 3.

1. Cor.

6.

94 *La restitution de Pluton,*
 le Fer, le Cuiure, qui sont metaux
 fort communs, l'Or, l'Argent, plus
 rares, les pierres precieuses, & au-
 tres, le mineraux succulens, & pres-
 que tout ce qui nous sert, n'est tiré
 que du fond de la terre: He quoy
 seroit il possible que ce fut que pure
 Magie? Pauures gens qui travaillez
 aux carrieres & pierrieres, vous estes
 donc tous Magiciens, seló la croyan-
 ce de tels ignorans, comme la tou-
 che Grippé, qui s'est serui de ce pre-
 texte, pour avec ses griffes de harpie
 me raurir iniustement mon bien, &
 voler les mines du Roy. Que diront
 ces indiscrets & temeraires Iuges,
 qui attribuent tout ce qui est rare &
 secret à la Magie? que diront ils de
 ceux qui sçauent la transmutation
 des metaux, qui transforment le fer
 en cuiure, aeluy-cy en argent, &
 l'argent en or? sont ce des Demós ou

*Los De-
 mós pen-
 uent trās
 miner les
 metaux,
 & un
 vray
 Philoso-
 phe peut
 faire le
 sembla-
 ble.*

des hommes? Les Demons peuuent naturellement (appliquant les actifs aux passifs) transmuer vne chose en vne autre. Vn Philosophe aussi qui sçaura la vertu de Nature, peut semblablement produire le mesme effet, lequel ne sera neantmoins ny Demon ny Magicien, non plus qu'Albert le Grand, ny Raymond Lulle, que l'on tient pour Beat, ny qu'un bon nombre d'autres excellents personnages. C'est pourquoy ie cloray ce discours par ce mot de saint Augustin, qui dit que l'homme grossier ne croid qu'à ses yeux, ayant plus de chair que d'esprit, n'ajoustant foy qu'à ce qu'il void, & niant tout ce qu'il ne void pas. *In homine carnali tota regula intelligendi est consuetudo arguendi, quod solet videre credit, quod non solet, non credit.* Que dira-on qu'une femme al-

S. AUGUSTIN
cōtre les
incredulz
les.

*Les fem-
mes pen-
nent es-
crire sé-
lon leur
sçavoir.*

legue comme moy & face la leçon
aux incredulés ? vostre Eminence
Monseigneur, me le pardonnera
s'il luy plaist, & jugera, qu'ayant
quelque cognoissance de la langue
Latine & Italienne, la lecture ne
m'en peut estre deffenduë, ains per-
mise, j'entens la lecture des lettres &
liures qui ne sont prohibez à celles
de mon sexe. Et en suite ie me ser-
uiray de tout ce qui peut renuerfer
les opinions contraires aux salutaires
& precieux aduis que ie donne à sa
Majesté, & à vostre Eminence, la
suppliant tres-humblement auoir a-
gréable l'humble remonstrance que
ie luy fais touchant l'entreprise de
mon mary, pour faire ouuir toutes
les mines de son Royaume, desquel-
les il a tres-grande connoissance, la-
quelle demeurerait inutile au cas
qu'il fust preuenue de la mort, cho-
se qui

se qui seroit de tres-gráde perte, d'au-
tant qu'il seroit tres difficile de re-
couurer des hómoes si experts en cet
Art, & qui en aiét cóntracté vne plus
grande, & vne plus longue habitu-
de. Car l'occasion vole & s'enfuit
soudain, & bien souuent sans espoir
de retour, & le repentir accompa-
gne & demeure tousiours à ceux
qui ne l'ont arrestée à son abort.

Uadis Homere s'offrit aux habi-
tans de Cumes, pour rendre leur vil-
le des plus fameuses de la Grece, au
cas qu'ils le voulussent nourrir aux
despens du public, ce qu'ayans re-
fusé par le mauuais conseil d'vn des
Senateurs, ils en eurent du desplai-
sic, & s'en repentirent: car apres sa
mort ils publierent qu'il estoit l'vn
de leurs compatriotes, tant il est ve-
ritable, que nous desirons auide-
ment ce qui nous est eschappé, apres

98 *Larestit. de Pluton,*

l'auoir eua mepris lors que nous le tenions en la main.

Les grandes peines que nous auons eues depuis ans, à la delcouuerte des mines, les dangers encourus, & les dangers de la vie, dont nous auons esté menacez en faisant le seruice de sa Majesté, sont aussi grandement considerables; comme aussi les grandes despences que nous auons faictes en tout ce temps-là, ce qui ne se peut autrement, cheminant incessamment de Prouince en Prouince, & ayant encores quantité d'hommes des pais estrangers, tres-capables en nostre exercice, qui ont tousiours esté payez de nos propres deniers, iusques à ce que le susnommé la Touche Grippé qui a esté Preuost Prouincial en vostre Duché de Bretagne, ait de son propre mouuement

avec violence, contre toute Iustice, & au mespris des loix, & de l'authorité Royale, ait di-je volé ma maison de Morlaix, pendant que i'estois au Parlement de Bretagne à Rennes, pour y faire enregistrer vostre commission, & mon mary d'autre costé à la visite de la mine de la forest du Buiffon Rochemares, avec le Substitut du Procureur du Roy dudiect lieu, ouuert nos coffres, pris, pillé, & emporté tout ce qui estoit dedans, & en outre les mines, l'or & l'argent de sa Majesté, les instrumens mesmes pour descouurir les mines, & ceux qui seruent pour les essayer, & de plus les procès verbaux, papiers & memoires des lieux, de façon qu'il a faict autant de tort à sa Majesté, en cét acte meschant & temeraire, que s'il auoit volé visiblement vos finances, veïste plus:

car s'il les auoit volées ce ne seroit que pour vne fois, mais icy c'est vn vol, qui dure tousiours & durera, si sa Majesté (MONSIEUR) ne s'en fait la justice à soy-me me. Or qu'est-ce que merite, & quelle punition doit souffrir celuy qui fait tels excez & telles voleries, sous l'authorité Royale? Les Iuges qu'il plaira à sa Majesté, & a vostre Eminence y commettre, le sçauront mieux dire que moy. Je me contenteray de dire seulement, que ce n'est pas là sa premiere volerie, ce n'est qu'une continuation toute auerée: car au premier mandement de sa Majesté, toute la Bretagne se pleindia de ses concussions.


Chose horrible en France, que ceux qui doiuent maintenir la iustice, sont les premiers à la violer, & corrompre, en quoy (MONSIEUR)

GENEVK) sa Majesté doit avoir pareille jalousie que Dieu, duquel elle porte l' image, quand avec le parjure on l'appelle en tesmoignage du mensonge : car sous le voile & le pretexte de son autorité, plusieurs excez, rapines & concussions se commettent par ce meschant homme, comme si la Majesté approuvoit ses violences & les rapines, dont Monseigneur, ie ne peux faire moins que de luy demander Iustice, puis que la Majesté porte le nom & le tiltre de Iuste. Toute la raison qu'il peut apporter pour defendre son forfait & son crime, (qui regarde, & heurte plus la Majesté que nous) n'est autre chose que la frivole & impertinente raison qu'il apporta lors, c'est à sçavoir qu'il croioit qu'on ne peut trouver les mines en terre sans la magie, & sans l'aide


102 *La restit. de Pluton,*
des Demons: à quoy ie pense auoir
tres-amplement satisfaiët, rappor-
tant neantmoins tout ce que i'en ay
dit à la censure & iugemens des plus
sensez & meilleurs esprits.

*Est aurime terra beat, si nomina jactat,
Fac (L O D O I C E) tibi res probet
acta magis.*

La representation des faces du Ciel
aux heures & minutes de la fabrique
de nos instrumens Geotriques, Hy-
droyques, & Metaliques, comme
aussi des sept verges Metaliques &
Hydroyques.




Les grands compas pour reconnoître de la surface de la terre & des eaux, les Mines d'or, les Marchassites, la pierre d'azur, les talcz dorez, & pierre folaires, qui sont sous l'influence du Soleil se doiuent faire, le Ciel estant comme vo us voyez, comme aussi *verga lucente*.



Les grandes Bouffoles à sept Angles, pour trouuer les Mines d'Argent, ses Marchassites, le Christal de Roche, les Diamans qui sont dans les pierres, & les pierres referentes à la Lune se doivent faire, le Ciel estant comme vous voyez, comme aussi *Verga cadente ô fecosa.*




L'Astrolabe mineral, pour trouuer les mines de Cuivre, ses Marchas-
 sites, Esmeraudes, & autres pierres & mineraux, qui se referent à Venus
 se doit faire, le Ciel estant, comme vous voyez en la figure cy-dessus.
 Et *Verga salente ô saltante.*



Le Cadran Mineral, pour trouver l'Etain, le zain l'Espiautre, & toutes
 les pierres, & mineraux qui se referent à Iupiter se doit faire, le Ciel estant
 comme vous le voyez. Et *Verga battente*, ó *Furtilla*.



Le Geotrique mineral, pour cognoistre de la surface de la terre, les mines de Plomb, d'Antimoine, & toutes les pierres qui se referent à Saturne, se doit faire, le Ciel estant comme vous le voyez. Et *Verga trepidante* ô tremante.



Le Râteau Metallique, pour reconnoître les mines de fer, & tout ce
 qui se refere à Mars, se doit faire, le Ciel étant, comme vous le voyez,
 Et Verga cadente ô inferiore.



L'hydroyque mineral, pour reconnoistre de la surface de la terre, le
 Mercure le Cinabre mineral, & toutes les pierres & mineraux qui se
 referent sous l'influence de Mercure, se doit faire, le Ciel estant comme
 vous voyez. Et la *Verga obuia* ô *superiore*.

OR MONSEIGNEUR,

LEs Anciens qui se sont pratiqués, & exercez à la science des eaux, & a recherché tous les secrets, pour trouver des sources, des puits & fontaines : Comme aussi quelques soldats, pour trouver les caches & les lieux où estoit l'or & l'argent, & autres métaux que leurs ennemis avoient caché dans la terre, dans les puits, ou dans les rivières, se sont servis du premier reietton fourcheu du bois de coudre ou noisillier, lequel par vne vertu occulte, s'incline & s'abbaisse sur les lieux ou sont les sources des eaux, & sur les métaux qui sont dans la terre & dans les eaux; ce que fait aussi la premiere branche dextre du palmier, prises sous leur propre constellation, sans laquelle observa-

tion ils sont de peu d'effect, voire
mesmes ils sont inutiles, à ceux qui
sont nais opposites à leur constella-
tion, & qui ont leur ascendant
pour ennemis. C'est pourquoy
toutes sortes d'hommes ne s'en peu-
vent pas servir, ce qui oblige ceux
qui veulent estre capables de trou-
uer promptement & sans despence
les sources des eaux, les veines & ma-
trices des metaux, d'auoir la cognois-
sance des seize instruments, & des
sept verges dont nous auons parlé
cy-dessus, & sous quelles constella-
tions ils doiuent estre faiçts. Mais il
me semble que i'oy desia quelqu'un
qui aura plus de chair que d'esprit,
& d'experience de ces instruments
& verges, qui dira, & soustiendra
opiniaistrement que telles vertus ne
peuuent estre en ces instruments
sans l'aide de quelque Demon qui


les anime. Mais ie t'enuoye ces esprits malades & mal timbrés, à la concifiance des vertus naturelles, ou ils apprendront, malgré qu'ils en ayent les sympathies, & antipathies, que les choses ont les vnes avec les autres. Et en outre ie luy feray ceste responce, & luy demâderay, si vous croyez bien, que quand on fait ces experiēces par l'interuētion & le secours du Diable, elles peuuent produire des effets merueilleux, pourquoy & a quoy tient-il que vous ne vous puissiez aussi persuader, que Dieu, auteur de la nature n'ait le pouuoir de donner ces vertus & ces puissantes qualitez aux Metaux, aux racines, aux Arbrisseaux, aux herbes, aux pierres, & a semblables choses? he quoy, seriez vous bien si malheureux que de croire que le diable soit plus puissant ou plus ingenieux

ingenieux que Dieu? Que ce souuerain Maistre du monde, qui a créé le Demon mesme, aussi bien que les metaux, les pierres, les arbrisseaux, les herbes, les racines, & tout le reste qui vit, & qui est dans la terre, dans les eaux, & en l'air, & qui a doué chaque chose de ses proprietés, & de ses perfections, pour le bien & pour la commodité de l'homme?

Dauantage, il faut que ces incredules sçachent qu'il est tres-certain, puis que l'experience mesme le faiét voir tous les iours, que l'ambre iau ne sortant pur de sa matrice, attire la paille & l'enleue à luy. La pierre d'aymant, par laquelle, au rapport de Cardan, on peut faire des merueilles, comme d'escrire à quatre, & cinq cents lieuës de distance, sans aucun messager & ce par la vertu

114 *La restit. de Pluton,*
que Dieu luy a donnée d'attiret le
fer à elle, & de le tourner toujours
au Septentrion, ou elle a sa matrice.

Le Crapau aussi par vne vertu se-
crete, voyant la Bellette avant qu'el-
le l'aye veu, ouvre sa gueulle,
& quelque resistance que face la
Bellette, il faut quelle vienne entrer
dans la gueulle du crapau, qui l'aua-
le toute entiere. Diron-t-ils ces incre-
dules, que tout cela se fait par le
moyen des Demons? Pour moy ie
ne le croy pas, & ne croy pas aussi
que nos instrumens soient faits par
le moyen d'iceux: Ains ils ont leurs
vertus par la force & influence des
Astres, & de la diuersité des pierres
d'aymant dans lesquelles, & hors
lesquelles ils sont appropriez.



*La maniere & vraye methode
pour trouuer les eaux, & les
fontaines, & les vertus quel-
les apportent en passant par
la diuersité des veines des
Metaux & Mineraux.*

Ayant traicté (MONSIEUR
AGNEUR) des Metaux & mi-
neraux, des pierres fines &
communes, comme aussy des cho-
ses necessaires à vn Gouverneur de
Mines: Il me semble raisonnable de
traicter des eaux, & des proprietéz
qu'elles peuuent auoir, selon la Na-
ture des lieux où elles passent, & où
elles prennent leurs sources, afin que
les Ouuriers des Mines en puissent
auoir dans leurs maisons de bonnes
& salubres, tant pour leur boire, de-

116. *Larestit. de Pluton,*
lectation, que autres vsages.

La Methode donc est telle, qu'au leuer du Soleil le Maistre qui veut trouuer l'eau, se couchera tout plat sur son ventre, à la place, où il iugera trouuer de l'eau, là tenant son menton pres de la terre, soustenu & appuyé de quelque chose, il regardera exactement ceste campagne, ainsi ayant son menton appuyé, il ne s'en ira vagant plus haut que le debuoir, ains demeurera immobile, & gardera vne hauteur niuelée à la proportion qui sera necessaire.

Alors s'il apperçoit des humeurs, ou vapeurs sourdantes & s'entrebroüillantes en l'air par tourbillons, c'est signe qu'il y a de l'eau.

Il luy faut encores considerer la Nature du pais, veu mesmement, qu'il y a des lieux où elle s'engendre, & d'autres où il ne si en trouue point

du tout, ou fort peu.

Aux lieux de Croyeres, où croist la croye, elle y prouient simple, sans grande abondance, mais elle n'est de bonne saueur.

En sable fondant sous le pied, elle y est foible & debile, & encores si on la rencontre en lieux bas, elle sera limonneuse, & fade à sauouer.

En terre noire, on y trouue bien quelques sueurs & gouttes rares, lesquelles y assèmbent des pluyes & neiges de l'Hyuer, & croupissent aux endroits solides: celles-là sont d'assez bon goust.

Englaire, on y trouue des veines moyennes & non certaines, mais aussi elles sont accompagnées d'une plaisante suauité.

En sablon meslé, c'est à dire aspre, rude, & tirant sur le brun, & pareillement en l'Arene, & au Carboucle

elles y sont plus certaines & plus durables, voire mesmes (ce qui en est le meilleur) de fort bon goust.

En roche rouge, il y en a de bonnes & abondantes, si ce n'est (au moins) qu'elles s'espanchent par quelques creuasses.

Soubs les racines des montagnes, & dedans les roches bises elles y sont beaucoup plus copieues & affluentes, mesmes plus froides & plus saines que les autres.

En sources champestres, on les trouue salées, pesantes, tiedes & fades, si ce n'est qu'elles tombent des montagnes & passent par dessous la terre, puis viennent à se creuer parmi vn champ, ou qu'elles soient entourées & encoûtinées de la ramure & branchage des arbres: Car en ce cas elles sont aussi delicates que les propres sources qui naissent des

montagnes.

Les signes particuliers pour reconnoistre en quels quartiers de la terre il y aura de l'eau, outre tout ce que nous en auons cy deuant dict, sont ceux cy.

Si naturellement il y naist du faulx le sauuage, des roseaux, de la menuë jonchée, des rosiers, du lierre, de la persicaire, du pas d'aspe, des berles, & autres semblables especes d'herbes, qui ne peuvent prouenir, ny estre alimentées sans humeur. Mais il faut toutesfois prendre garde aussi qu'il en croist bien souuent au long de quelque mare ou fosse, receuant la liqueur des pluyes, & celle qui coule des campagnes, là où elle croupit, & par la concavité se conserue plus longuement qu'en autre lieu. Or pour n'y estre trompé, il faut appliquer en ces lieux la verge de Mer-

120 *Larestit. de Pluton,*

cure, qui demonstre la quantité de l'eau & si on s'y doit arrester ou non: mais plus asseurement on la doit chercher aux terroirs où ces herbes ou arbustes prouiennent sans semer ny planter. Et au defaut de tous les signes, il faut faire vne fosse en terre de la largeur de quatre pieds de tous costez, & de six de profondeur, & dedans icelle au coucher du Soleil, vous mettrez vn vaisseau d'alrain, ou de plomb sans meslange, ou bien vn bassin, lequel vaisseau vous oindrez d'huile d'Oliue par dedans, puis le renuerserez la bouche contre bas, en apres couurez la superficie de ceste fosse ou de roseaux, ou de feuillars, puis jettez de la terre par dessus, & le laissez ainsi toute la nuict, le iour ensuiuant allez la descouurir: Et si vous trouuez en vostre vase des petites gouttes de sueur, asseurez-vous.

qu'il y a de l'eau en cet endroit.

Pareillement si vous mettez dedans ice' le fosse vn pot de terre non cuit, & le couurez comme deuant, quand vous viendrez à r'ouurer la fosse, s'il y a de l'eau sous la terre, vostre pot sera humide ou fellé, ou entrouuert à raison de la liqueur.

De plus si vous y jetez vne toison de laine & cardée, & que le iour d'apres vous en faciez sortir de l'eau en la tordant, soyez assureé qu'il y aura grande abondance d'eau en ce lieu là, & principalement si la vetge lunaire s'incline grandement dessus.

Dauantage, si vne lampe pleine d'huile & allumée, est mise là dedans, & le iour ensuiuant, si elle se trouue n'estre point tarie, ains qu'il y ait de la meche & de l'huile de reste, ou mesmes qu'elle se trouue hu-

522 *Larestit. de Pluton,*
mide, ce sera signe qu'il y a de l'eau
en son fonds.

Finalemēt si on fait du feu en
icelle place tant que la crouste de la
terre se brusle, & s'en eschauffe in-
terieurement, de maniere qu'il en
sorte vne vapeur nebuleuse, croyez
qu'il y a assurement de l'eau.

Pour conclusion si vous appli-
quez la verge Lunaire & la Mercu-
riale dessus, & qu'elles s'inclinent a
moitié vers Orient, Occident, Sep-
tentrion, ou Midy, il est tres cer-
tain qu'il y a de l'eau du costé où el-
les s'inclinent, & si elles ne baissent à
moitié, c'est signe de bien peu
d'eau.

Ces choses faictes, ou à tout le
moins vne d'icelles, & qu'il se mon-
stre aucun des signes susdits, il faut
faire creuser vn puits: Mais si de for-
tune (comme souuent cela arriue)

l'on rencontroit que ce fust vne source d'eau, il faut faire plusieurs autres foies aux environs, lesquelles par moyennes tranchées respondront toutes en vn lieu.

Toutes les eaux se doiuent principalement chercher aux montagnes, & du costé du Septentrion; d'autant que pour estre opposées au cours du Soleil, on les y trouue plus sauoureuses, plus saines, & en plus grande abondance.

Après que ces eaux seront ainsi trouués, il les faut essayer, afin que les ouuriers, & ceux qui en boiront aux mines ne soient surpris de facheuses maladies, comme goitres, pierres, gouttes, vlcères, catharres, & autres maladies que les eaux peuvent apporter par leur malignité & venenosité.

*Comme il faut esprouuer les
eaux.*

IL faut prendre de ladite eau & la mettre dans vn vase de cuiure estaimé, & l'y laisser vingt-quatre heures, si elle n'y faiet point de tache, cela signifie qu'elle est fort saine.

Pareillement, si l'on fait boüillir de ceste eau en vn chauderon bien net, & quel'on attende qu'elle se refroidisse: & puis qu'on la respende, si alors il ne demeure au fonds, ny grauelle, ny limon, on se peut asseurer qu'elle sera tres-bonne.

Comme aussi si l'on met au feu des légumes, comme pois, febues, ou autres semblables, pour cuire en vn pot avec ceste eau, s'ils cuisent vistemment, ce sera signe qu'elle est bonne & salutaire.

Dauantage si on la voit en la source nette & luisante, mesme qu'en quelque lieu qu'elle flue, si l'on void qu'il ne s'y engendre point de mousseny de jonc, & que son canal ne soit foüillé d'aucune ordure, ains conserue vne plaisante pureté, tous ces signes la denoteront la substance en estre bonne & singuliere.

*Les vertus & proprietéz que les eaux attirent en passant par les veines des Metaux, Mineraux & Semimine-
raux.*

A Presauoir donné & enseigné la maniere de trouuer les eaux, & d'en esprouer la bonté, il me semble (MONSIEUR) qu'il est tres bon, voire mesmes tres;

126 *Larestit. de Pluton,*
vtile au public (& principalement
aux malades, de maladies Chroni-
ques & hereditaires, ou causees par
l'influence de quelque astre) d'en-
seigner les vertus & proprietes qu'el-
les attirent en passant par les veines
des metaux, mineraux & semimine-
raux, bien toutesfois que leurs ver-
tus & proprietes tres puissantes &
occultes, non plus que tous les au-
tres remedes, tirez des vegetaux &
des animaux, ne nous puissent pas
garantir de la mort, mais seulement
la peuvent differer & retarder jus-
ques à vne autre saison, par la vertu
que Dieu leur a donnée, n'ayant
aucune autre force que celle qu'il
plaist à Dieu leur départir, & qui la
fait agir & prosperer quand il luy
plaist, & la rend inualide & de nul
effect aussi quand il luy plaist. C'est
pourquoy ie dis hardiment, que si

nous voulons obtenir santé & guérison de nos maladies, il nous faut avoir recours principalement à la grace de Dieu, afin qu'il donne la force & la vertu aux remèdes dont nous devons user, qui autrement n'auroiét aucune efficace ny valeur.

Or de tous les remèdes dont nous pouvons user en nos maladies, les vns sont tirez de l'influence, chaleur, mouvement & illumination des Cieux, & des aspects des Astres, les corps humains estans disposez, & plus ou moins susceptibles de santé, ou de maladie, les vns que les autres selon la diuerse situation des corps celestes, desquels depend l'Hyuer & l'Esté, le chaud & le froid, & la constitution des saisons & de l'air, qui nous estant communiqué, & ayant puissance sur nous, dispose nos corps à la santé ou à la maladie.

Les autres sont tirez des quatre Elemens, & premierement du feu, duquell'usage est tellement necessaire en toute la Medecine, que sans iceluy, non seulement les medecaments, ains les alimens mesmes ne peuvent estre preparez.

En second lieu de l'air, de la substance & qualitez duquel depend, ou la santé ou la maladie des hommes; parce que ne pouuans viure sans aspirer l'air, s'il est bon, il sera autheur de santé, s'il est vicié & corrompu il cause la maladie, & sert de cause & de remede tout ensemble.

En troisieme lieu, de la terre, de laquelle il y a des especes de si rares vertus, & tant recommandables, qu'elles sont preferées à toutes choses, tant precieuses soient-elles. Comme les Bols, la terre sigillée de l'Isle de Lemnos, les Ogres, la terre Se-

mienne,

mienne, de Chios, de Malthe, & tant d'autres dont la France est pleine, comme nous auons monstré & deduit cy dessus.

De la terre aussi sont prins les Metaux, les mineraux, de toutes sortes les pierres tant precieuses qu'autres; d'ot la France abode en quantité. Les animaux aussi en viennent, les parties, & excremens d'iceux, les insectes, les arbres, les plâtes, leurs fleurs, leurs fruits, leurs suc, leurs escorces, & racines & generalement tout ce qui prouient & naist tant de la superficie de la terre que des entrailles d'icelle.

Quant aux remedes, & medecaments, qui se tirent des eaux, comme les poissons, les parties d'iceux, & leurs excremens, les plantes, & autres choses qui naissent & s'amassent, tant es lieux maritimes, que Paluds humides: la nature s'est mon-

strée si prodigue & si opulente, en la variété d'iceux, & des facultez qui en prouiennent, qu'il semble que ce seul Element, est plus fertile en la diuersité de ses especes, & en la rareté des vertus excellentes, dont sont doiüées les choses aquatiques que tous les autres Elemens ensemble.

L'eau simple potable de toutes fontaines & riuieres, ne doit auoir aucune qualité remarquable aux sens, ny en goust & saueur, ny en couleur: Ne doit aussi estre pesante, ains legere: car tāt plus elle est legere, & plus elle est saine & profitable à la santé. Telle eau est incontinent eschauffée par le feu, & aussi incontinent refroidie à l'air froid & humide de sa nature, elle est propre a temperer l'ardeur des visceres, eschauffer dedans le corps, ou par intemperature simple, ou par fieures & ob-

structions, à humecter la siccité des parties solides, aduenüë par la consommation de l'humeur radical. En fin cest le breuuage ordinaire que Dieu a donné, dès le commencement du monde à tous peuples & nations de la terre, & non seulement aux hommes, mais aussi à tous animaux, lesquels ne pourroient subsister en façon quelconque sans cest Element.

Les autres eaux qui ont quelque qualité remarquable, ou au goust, comme celles qui sont de saueur acie, salée, poignante, & amere; ou à la veüë, comme celles qui sont troubles, de couleur azurée, noire, où tirante sur le verd, ou qui sont de substance grossiere, ou pesante plus que l'ordinaire de l'eau potable, encores qu'elles ne soyent salubres, pour l'usage ordinaire de la vie, à

ceux qui sont sains; toutesfois elles ne laissent pas d'estre profitables, & apporter beaucoup d'utilité pour la réparation de la santé, estans hors de leurs limites, & pour la guerison des maladies. Tellement que quiconque voudra faire iugement de la vertu & faculté de telles eaux, il est besoin qu'il les compare avec l'eau commune & potable, pour sçauoir en nos verges de combien de degrez & de qualitez, elle est distante d'icelle, soit en goust, soit en couleur, soit en poids & substance.

Telles eaux Medicales, Metal-
liques, & ont esté remarquées de toute ancienneté, abonder en plusieurs pays, & se remarquent encores tous lesiours par la curieuse obseruation & nouvelles descou-
uerte que i'en ay faite dans la Hon-
grie, Allemagne, Boheme, Silesie,

Tirol, Italie, Espagne, Escoffe, Suede, & Liege, où i'ay rencontré plusieurs fontaines incogneuës, auxquelles les François mesmes ont eu recours pour la guerison de plusieurs maladies: Et en France i'en ay descouvert si grande quantité, & en tant d'endroits, qu'il me faudroit vn grand volume entier pour en faire la description: & semble véritablement que Dieu l'ayt voulu embellir par dessus toutes autres regions, & la rendre illustre par la celebrite de telles fontaines, comme celles que i'ay remarquées en Languedoc, Prouence, Dauphiné, Gasconne, Bourdelois, Auvergne, en beaucoup d'endroits du Forets, Bourbonnois Niuernois, en France, Normandie, Bretagne & autres lieux. La description desquelles i'espere en peu de temps mettre en lumiere avec leurs

134 *La restit. de Pluton;*

vertus & facultez , & en outre la Methode comme il en faut vser : car elles sont de diuerses qualitez , comme salées ou nitreuses, ou alumineuses , vitrioleuses , ou sulfurées, bitumineuses, ferrogineuses, plumbeuses , ou autrement , parce qu'elles rapportent la qualité, saueur, & faculté du sel nitre, de l'alun, du vitriol, du souffre, du bitume, du fer, du plomb , & autres.

Les eaux salées sont propres pour les intemperatures froides & humides , & pour les maladies produites d'excez, de froid & humidité, pour les hydropisies , douleurs de nerfs, causées de froid, pour les gouttes, paralysies, asthmes, fluxions sur la poictrine, douleurs & maladies d'estomach froides & humides , tumeurs froides & pituiteuses, & pour la gratelle.

Les nitreuses ont les mesmes effets, & sont encores plus fortes, mais toutesfois moins astringentes, & plus absteriues, guarissent les grateleux, les vlceres des oreilles, discutent les tumeurs, & chassent le bruit, le bourdonnement, & tintement d'icelles, diminuent les tumeurs & enflures des escrouelles, & sont fort purgatiues, sans violence, & sans diminuer l'appetit.

Les alumineuses, seruent à ceux qui crachent & vomissent ordinairement le sang, sont propres aux flux des hemorroides & de la matrice, quand elle est extraordinaire: De plus, elles sont profitables aux femmes qui sont sujettes de perdre leur fruiët, & auorter aux sueurs trop perfuses & excessiues aux varices des jambes, aux paralitiques, & d'autres, qui ont leurs membres mu-

136. *La restit. de Pluton,*

tilez, pource qu'elles ouurent les porosités des veines, puis purgent les parties affligées, & par la force de leur chaleur, en chassent hors la maladie contraire, si bien que les languoureux en sont souuentefois restitués en leur première santé.

Les vitrioleuses desseichent, & sont astringentes, en detouplant les visceres, pleins d'obstructions, & eschauffez, elles les rafraichissent, & sont propres pour ouvrir & desopiler le foye, la ratelle, les reins, & la vessie, ouurent les veines de la matrice, & attirent les purgations menstruelles aux filles & femmes, ouurent les hemorroïdes, & les resserrent aussi, elles sont aussi fort conuenables aux vices & infirmités de tous les visceres du ventre inferieur, arrestent le flux immodéré des femmes, & des hemorroïdes, purgèrent

les visceres de toutes obstructions, & sont mesmement propres aux escrouelles, à la pierre, grauelle, & aux fieures quartes, & hongariques.

Les sulfureuses sont propres à reschauffer les nerfs refroidis, à les ramollir, & en appaiser les douleurs, mais elles affoiblissent & subuertissent l'estomac, effacent toutes tumeurs, duretez & vices du cuir, sont fort recommandables pour l'hydropisie, galepsore, vieux vlceres, defluctions sur les jointures, tumeurs, & duretez de la ratte, obstructions du foye, paralyses, sciaticques, à toutes gouttes, aux maladies veneriennes, à toutes maladies de poulmons, aux asthmes, aux toux vielles & recentes, aux catarres, tombans sur la poictrine, & à toutes apostemes & pourritures du corps.

Les bitumineuses remplissent le

138 *Larestit. de Pluton,*

cerveau de vapeurs, offençant les instrumens des nerfs, des sentimens, eschauffent & ramollissent principalement la matrice, la vessie, & gros intestins, & sont propres à l'hydropisie.

Les ferrugineuses sont propres à l'estomac, à la ratte, aux reins, aux obstructions desdicts visceres, du foye, & de la matrice, purgent les reins, chassent la pierre, ouurent les veines de la matrice & des hemorroides, fortifient & robovent les parties par lesquelles elles passent.

Les plumbeuses sont propres aux fieures quartes, aux cancers, aux fistules, aux vieux ulceres & malins, à l'elephantie, ou ladrerie, rafraichissent fort, & temperent l'ardeur des visceres.

Celles qui viennent des mines de cuiure, aydent aux gouttes & dou-

leurs de jointures, aux asthmatiques, nephritiques, vlceres malins & ambulatoires, & aux viels loups.

Celles qui tirent leur source des mines d'airain, sont propres aux maladies des yeux, aux tumeurs de la gorge, & aux amigdales, aux inflammations, & aux vlceres veroliques de la bouche & de la luctte abaissée, & relaxée.

Celles qui sortent des mines d'or subuiennent aux palpitations continues du cœur, aux coliques & inflammations des intestins, gresles, fistules, gouttes, epilepsie, vertigue, migraine, & aussi aux vlceres internes.

Celles qui viennent des mines d'argent, sont propres aux douleurs inueterées de la teste, aux fols, aux manies, parce qu'elle purge l'humour grossiere & visqueuse. Elles

140 *Larestit. de Pluton,*

sont aussi fort propres aux deman-
gesons du corps, aux petites gales, à
la puanteur de la bouche, aux ca-
therres, & au tremblement de teste,
& de membres.

Celles qui viennent des mines
de Mercure sont bonnes & salutai-
res à la grosse verolle, aux vlceres
durs & calleux aux nodus, & aux
pustules, resoluent les tumeurs froi-
des, sont tres-bonnes à la paralisie,
aux cancrs, & *noli me tagere*, & à
toutes douleurs de jointures.

Parmy ces diuersitez d'eaux, il y
en a qui sont meslées & qui partici-
pent de plusieurs metaux, mineraux,
& semi mineraux, & des terres où
elles passent, & par consequent elles
peüent produire de grands effects
aux maladies, qu'un vray Philoso-
phe Chimique peut recognoistre
par leurs espreuves, lesquelles i'es-

pere monstrier en mon grand Labo-
ratoire des Dieux & Deesses, que ie
mettray en bref, comme ie croid
avec la grace de Dieu, en lumiere,
pour le contentement des vrais Phi-
losophes, & amateurs des secrets de
Nature, de tous les metaux, ani-
maux & vegetaux.

Quoy qu'il en soit (M O N-S E I-
G N E V R) & quelque proprieté
qu'ayent les choses du monde, ie dis
pour la conclusion de ce traicté, que
*Omnis res procedit ab illo, qui est sum-
ma, & Ultima scientia, scilicet à Deo
Verò, & viuo, & benedicto, cui sit ho-
nor, & gloria per infinita secula,
Amen.*



PASSEPORT DE LA
 Sacrée Majesté Imperiale au
 sieur Jean du Chastelet, Ba-
 ron de Beaufort, pour reue-
 nir en France.

NOS Ferdinandus secundus Dei
 gratia Electus Romanorum Im-
 perator, semper Augustus, Ger-
 mania, Hungaria, & Bohemia Rex
 Archidux Austria, Dux Burgundia,
 Steirkarendten, Vviriq; Burghi supe-
 rioris; Item & superioris Silesia, Mar-
 chio Moravia Comes in Hapsburghi
 Tirol &c. Omnibus & singulis L. L.
 N. N. Electoribus, tam secularibus,
 quam Ecclesiasticis; Comitibus, Ba-
 ronibus, Nobilibus, Milibus, client-
 tibus, Ciuibus, Burgensibus sacri Reg

à son Eminence. 143

mani Imperij Præcipue vero, tributorum, vectigalium, quæstionum quarumcumque præsidibus, exactoribus, et eorum officarijs, ministrisue; ad quem vel ad quos, hoc symbolum itinerarij libelli (quod vulgò passeport vocamus) deferitur, vel legendum porrigitur fauorem impartimur.

Venerabiles igitur, et illustres Electores, Principes generosi Comites, Barones strenui, et nobilissimi reuerendi, charissimi, et fidelissimi: Notum vobis facimus. L. L. N. N. Et declaramus quod quidem adhuc mense Septembris elapso anno millesimo sexcentesimo vigesimo nono, porrectorem huius, charissimum, et fidelissimum nostræ Domini. Joannem du Chastelet, Baronem de Beaufolcil, ex humillima eius coram nobis comparatione, oblationeque officiorum ac seruitij, cum singulari ei indulta, et demandata commissione, in Regnum

144 *Larestit. de Pluton,*
nostrum Hungaria obligauerimus, com-
missarium constituerimus, & ad Mine-
ralia clementer deputauerimus; Vique
huic Maximo operi, majori cum fru-
ctu, & commodo profici, praesse, ac
prodesse possit, insigni honoris insuper
titulo, consiliarij scilicet nostrae Ma-
jestatis donauerimus & condecoraueri-
mus ex singulari gratia ac effectu. Quo-
niam vero post expeditionem illam fe-
liciter in effectum deductam, prae nomi-
nato Baroni non placuerit ad aliam no-
uam, hoc tempore turbulento, hic se ac-
cingere, sed licentiam à nostra Caesarea
Majestate ad tempus explorauit, conse-
quenter implorauit ad alia regna, &
loca inuisenda: & ob id litteras testimo-
niales, ac commendatitias nostrae Im-
per. Majestatis (quas sibi omnino neces-
sarias ad hoc iter feliciter perficiendum
supplicatus) obsequentissime, & humil-
lime sibi communicari, & indulgeri ro-
garit

à son Eminence. 145
garit, honeste huic illius petitioni desse nõ
uolumus, Verum voti eum compotem
fore clementer decreuimus. Petimus pro-
inde & absentes rogamus, L. L. N. N.
nostriis auie subiectis seuerẽ mãdamus,
ut supradictum Baronem de Chastelet,
Consiliariũ nostrum, & Commissarium
mineralium) Vnã cum suis Satellitibus,
uxore, liberis, equis, & similib⁹, omniq;
supellectile, per loca iurisdictioni vestrã
subiecta, quam fieri ea res potest commo-
dẽ, cõmunicatione nempe curruum, equo-
rum &c. transitum liberum, & à pre-
sdomibus immunẽ cõcedatis; vectigalibus-
que, datijs, ac tributis, ratione sui, suo-
rumque ãc bonorum, non grauetis, vel
grauari curetis, quo eò facilius, & matu-
rius cum Reipublica, sui suorũq; bono,
iter, cui se itã accinxit, absolueri queat. fa-
cietis hac in re L. L. N. N. quod nobis
gratũ & exoptabile L. L. N. N. Nostro
Imperio Verò subiecti, mandato & in

146 *Larestit. de Pluton,*
tentioni nostræ clementissima debuit sa-
tisfacient. DATVM VIENNÆ,
vigesimo nono Martij; anno millesimo
sexcentesimo trigesimo, Imperij nostri
Allemanici vnaecimo, Hungarici duo-
decimo, Romani decimo tertio. Sic signa-
tum, Ferdinandus manu propria, &
inferius scribitur, Ad mandatum Ele-
cti Domini Imperatoris proprium,
Maximilianus Brenner, & Petrus
Osoffma, cum sigillo.

PASSEPORT DV
Serenissime Prince d'Orange, au
sieur du Chastelet, & à sa femme,
reuenants du seruice de l'Empereur
pour s'en aller en France, avec cin-
quante Mineurs Allemans, & dix
Hongrois.

FRANCOIS HENRY;
par la grace de Dieu Prince

d'Orange ; Comte de Nassau, Mœurs, Bueren, Leerdams, Marquis de la Veere, & Blissingues, Seigneur & Baron de Breda, Diefts, Gouverneur de Gueldres, Hollande, Zelande, Westfrise, Capitaine general, & Admiral des Prouinces vnies des païs bas.

S'en allant le sieur Jean du Chastelet Baron de Beaufoleil Commisfaire general des mines de Hongrie, & Conseiller de sa sacrée Majesté Imperiale, avec sa femme, ses enfans, seruiteurs ; seruantes, hardes, & bagage, d'icy par le Brabant en France.

Nous ordonnons à tous Officiers, gens de guerte tant à pied comme à cheval, & à tous autres estans au ser-vice de celdites Prouinces vnies, & sous nostre charge & commande-ment, de le laisser librement & fran-

148 *Larestit. de Pluton,*
chement passer, comme dit est, &
apres s'en retourner par ces Prouin-
ces, ou tel autre chemin que bon
luy semblera, en Allemagne, sans en
ce à luy, ny aux siens donner, ou
faire souffrir estre donné, ou faiçt
aucun empeschement, trouble, ou
destourbier, ains au contraire, toute
aide, faueur & assistance requise,
pourueu qu'il ne se face rien au pre-
iudice de cet Estat, sous pretexte de
ce passeport, qui durera l'espace de
trois mois. Faiçt à la Haye ce qua-
torziesme d'Octobre, mil six cens
trente. Signé François Henry de
Nassau. Et plus bas, par ordonnan-
ce de son Excellence Iunius, & secl-
lé des Armes de son Excellence.

*Commission de Monsieur le
Mareschal Deffiat, pour fai-
re la recherche des mines &
minieres de France.*

ANthoine de Ruzé Marquis
Deffiat, Conseiller du Roy
en ses Conseils, Cheualier des Or-
dres de sa Majesté, Superintendant
general des Finances & des mines &
minieres de France: Au sieur Jean
du Chastelet sieur & Baró de Beau-
soleil Salut, nostre . . . conforme
à l'intention de sa Majesté estant de
descourir, faire valoir & tirer vti-
lité au bien & accroissement de l'E-
stat & du seruice de sa Majesté, de
toutes les mines & minieres de ce
Royaume inutiles ou de peu de
fruiét iusques à present: Et ayant
esté deuëment informez par rap-

port de l'estude & recherche tres-exacte & particuliere que vous auez tousiours faiçte pour acquerir la cognoissance de la Nature de tous metaux & mineraux, & notamment des lieux & matrices qu'ils se tirent en ce Royaume, que par cette estude vous estes paruenu à cette cognoissance tres-parfaiçte, auez descouuert tous les lieux où lesdites mines sont plus abodates en ce Royaume, & quelles sont les meilleures, les plus vtiles, & les plus faciles à ouuir & descouuir. Et encores que par essay tres-certain vous pouuez cognoistre la qualite & degre de bonte desdits metaux & mineraux. A CES CAUSES, & autres particulieres considerations, Nous en vertu du pouuoir à nous donné par sa Majesté: Vous auons commis, ordonné & depute, commettons, or

dónons, & deputós par ces presentes pour vous trásporter en tous les lieux & Prouinces de ce Royaume esquels vous iugerez & sçaurez estre lesdites mines & minieres de quelque nature qu'elles soient, les ouurir & faire ouurir entierement, des matieres suffisamment pour les essais, faire lesdits essais, & recognoistre seulémét à cette fin dresser forges & fourneaux, y tenir des vstancilles necessaires, à employer, & vous fertir en tout ce que dessus, de telles & tát de personnes qu'il verra bon estre. Ce fait nous donner fidel aduis des lieux & natures desdites minieres, & de l'vtilité qui s'en pourra tirer; afin d'en resoudre & arrester par apres ce que nous verrons à l'auantage des affaires de sa Majesté: vous en donnant plain pouuoir & mandement special, priant & requerant à cette fin tous Gou-

132. *La restit. de Pluton,*
uerneurs des Prouinces, Baillifs, Se-
neschaux, Preuosts, Iuges & autres
Officiers du Roy, Monseigneur, ge-
neralement qu'ils ayent à vous lais-
ser libre en l'execution plaine, entie-
re, paisible de tout ce que dessus,
circonstances & dependances, & ce
nonobstant tous autres pouuoirs par
nous donnez que nous voulons ne
prejudicier à ces presentes, auquel-
les en foy de ce: Nous auons faict
mettre le seel de nos Armes, & les
auons signées de nostre main. A Pa-
ris le dernier iour de Decembre mil
six cens vingt-six, & scellé ainsi si-
gné Anthoine de Ruzé, & au bas
est escrit par mondit seigneur. Signé
Ferrier.

Les presentes ont esté registrées
és registres de la Cour suiuant l'arrest
par elle ce jourd'huy donné à Thou-
louse en Parlement le huictiesme de

à son Eminence. 153

juillet mil sixcens vingt-sept, signé
Demalenfant.

Registrées suiuant l'arrest huy
donné à Bordeaux, en Parlement,
le douzième Iuin mil six cens vingt
sept, signé Defaux.

Les presentes ont esté enregistrées
és registres de la Cour de Parlement
de Prouence, pour en jouir par l'im-
petrant aux qualitez contenuës en
l'arrest sur ce donné par ladite Cour
ce ioard'huy dixième Decembre
mil six cens vingt-sept, signé
Estienne.

*Lettres d'atâche du Roy sur la
Commission de Monsieur le
Mareschal Desiat.*

L OVIS par la grace de Dieu,
Roy de France & de Nauarre,
A nos Amez & feaux Conseillers les

gens tenans nos Cours de Parlement de Paris, Roïen, Dijon & Pau, & à tous autres nos Iusticiers & Officiers qu'il appartiendra salut, doutant que fîsiez difficulté de faire registrer la Commission emanée de feu nostre tres-cher cousin le sieur Mareschal Desiat Intendant des mines & minieres de France, du dernier Decembre mil six cens vingt-six, & suiuant icelle souffrir à nostre cher & bien-amé le sieur du Chastelet Baron du Beausoleil, faire la recherche & descouuerte desdites mines & minieres dans vos ressorts, ledit sieur de Beausoleil occupé à ladite recherche & descouuerte és ressorts de nos autres Parlemens, ne vous l'ayant présentée dans l'an d'icelle, & du viuant dudit sieur Desiat, de l'aduis de nostre Conseil, qui a veu nostre Commission, Arrests de ve

rification en nos Cours de Parlement de Bordeaux, Thoulouze, Prouence, Rennes, ayans les certificats de la descouuerte qu'il y a faite de plusieurs desdites mines & minieres & preuues d'icelles, attachez sous le Contreseel de nostre Chancellerie. Vous mandons, ordonnons & à chacun de vous en droict soy, ainsi qu'il appartiendra tres-expressement enioignons que la susdite Commission du dit feu sieur Deshat vous avez à faire registrer, & suivant icelle souffrir & permettre audit sieur de Beausoleil se transporter en tous les lieux & endroiets, de voye, ressorts esquels il iugera & sçaura estre les dites mines & minieres de quelque nature qu'elles soiét, les ouurir & faire ouurir, en tirer des matieres suffisamment pour faire les essais & recognoissances, aussi dres-

156 *L'arestit. de Pluton,*
ser forges & fourneaux, & y tenir
les vstancilles necessaires employer
& se seruir de telles & de tant de
personnes qu'il aduifera ainsi qu'il a
esté faict esdits ressorts de Bordeaux
Thoulouze, Prouence & Rennes,
pour du tout nous donner par luy
fidel aduis des lieux & natures des-
dictes mines & minieres & l'vtilité
qu'il s'en pourra tirer, afin d'en or-
donner cy apres ainsi que nous ad-
uiferons conformement à ladicte
commission que voulons sortir son
plain & entier effet & laquelle à ce-
te fin nous auons confirmée & con-
tinuée par ces presentes pour ce si-
gnées de nostre main, cessant &
faisant cesser tous troubles & empes-
chemens au contraire nonobstant
laditte surrenacion, opposition ou
appellations quelconques, dont si
aucunes interuiennent, Nous rete

à son Eminence. 157

nous & reseruons la cognoissance à nous & à nostre Conseil, & icelle interdite à toutes nos Cours & Iuges quelconques Edits, Ordonnances, Mandemens, defences priuileges de Paris, clameur de Haro, Chartres & lettres à cé contraires: Ausquelles nous desrogeons, | commandons au premier nostre Huissier, Sergent, ou Archer faire pour l'execution des presentes tous les exploits, significations & contraintes necessaires, sans demander congé ne pareatis: Car tel est nostre plaisir. **Donné à Paris l'vnziemes iour d'Aoust, l'an de grace mil six centstrente deux. Et de nostre regne le vingt-trois. Signé LOUIS,** par le Roy, **de Lomenie, scellé de cire jaune.**

Seconde Commission pour continuer la recherche des Mines.

CHARLES de la Porte sieur & Marquis de Lamelleraye, Conseiller du Roy en ses Conseils d'Etat & Priué, Cheualier des Ordres de sa Majesté, Lieutenant general au gouvernement de Bretagne, exerçant la charge de Capitaine general, & grand Maistre de l'artillerie, grand Maistre & sur-Intendant general des Mines & Minieres de France, Au sieur Jean du Chastelet, Baron du Beausoleil, Conseiller d'Etat de l'Empire, Cheualier de l'Ordre saint Pierre le Martyr, & du saint Office, salut Comme par lettres du feu sieur Marechal Desiat, Conseiller de sa Majesté en

à son Eminence. 159

ses Conseils d'Etat & Priué, Che-
ualier de ses Ordres, sur-intendant
des Finances & desdites Mines &
Minieres, du dernier iour de De-
cembre mil six cens vingt-six, regi-
strées és Cours de Parlement de
Thoulouse, Bourdeaux, Proüence &
Bretagne, & en nostre Greffe, Vous
ayez esté commis & deputed pour
faire generale recherche des Mines
& Minieres de ce Royaume, pais,
terres & seigneuries de l'obeissance
de sa Majesté, à quoy vous avez va-
qué avec telle affection & diligen-
ce à vos propres cousts & despens,
que vous auez trouué & descouuert
nombre de mines d'or & d'argent,
plomb, & autres metaux, mineraux,
& semimineraux, mesmes des pier-
res precieuses, tant fines que com-
munes, desquelles il peut reuenir
grande ytilité à sa Majesté & à la

chose publique pour auoir l'ordre du travail, dequelles mines vous faites à present vos diligences: Et d'autant que nous sommes aduertis qu'en faisant vostre recherche desdites mines, vous auez trouué plusieurs personnes qui les trauaillent & font trauailler secrettemēt, & la plus part à l'heure de nuit sās aucune permission de sa Majesté, ny de nous, & de ceux qui ont eu nostredicte charge, & de nostredict Lieutenant General, & vendant la terre ou pierre desdites mines aux estrangers, qui frustrent la France des profits de la fonte & affinement d'icelles: Nous
A CES CAUSES, attendant qu'il aye pleu à sa Majesté Nous ordonner de pouruoir à l'ordre du travail desdites mines sur les propositions qui en ont esté par vous faiçtes à plain confians en vostre capacité & experience

experience au fait desdits travaux
des mines, affection & fidelité au
service de sa Majeste & du public,
Vous auons en consequence de la
Commission dudit feu sieur Mar-
chal Desiat de nouveau commis &
deputé, commettons & deputons
par ces presentes, pour continuer la
recherche & perquisition generale
desdites mines, & minieres, metali-
ques & non metalliques de quelque
matiere, qualité, & condition qu'el-
les soient, dont il peut reuenir de l'v-
tilité à sa Majesté en toute l'estédué
de ce Royaume, pais, terres & sei-
gneuries de son obeïssance, & les
ayans trouuées dressées, bons & fi-
dels procès verbaux en presence &
assistance des Officiers des lieux, ou
autres personnes publiques, de la
qualité, nature & valeur desdites
mines, en tirer des eschantillons

pour en faire les Essais pour ce faiēt
 & rapporte pardeuers nous estre or-
 donné ce que de raison. **SI VOUS**
MANDONS & commettons aussi
 par ces presentes de faire saisir &
 mettre sous la main de sa Majesté;
 par le premier Huissier ou Sergent
 sur ce requis, & à leur defaut par
 Jean le Mesle Georges

Bouchery Archers desdites mines,
 & minieres, qu'à ce faire nous auons
 commis & commettons toutes &
 chacunes les mines & minieres de
 ce Royaume, de quelque nature,
 qualité & condition qu'elles soient,
 avec les instrumens seruants au tra-
 uail d'icelles, & tout ce qui en de-
 pend, que Vous trouuerez estre ou
 auoir esté ouuertes & trauaillées sans
 expresse permission de sa Majesté ou
 de nous, nosdits predecesseurs, ou
 nostre Licutenant general & sans

auoir payé les droicts de la Couronne, & faire donner assignation aufdits delinquans & à tous opposans à l'exécution des presentes deuant Nous ou nostre Lieutenant General ou Officiers par luy subrogez au siege de l'Admirauté, mines & minières de France, proche la grande salle du Palais, pour se voir condamner au payement des droicts de sa Majesté: Et aux peines tant ciuiles que criminelles portées par les Edits & Ordonnances, Loix, Statuts & Reglemens desdites mines, faire commandement à tous Greffiers, Notaires, Sergents & autres personnes publiques ou particulieres qui sont saisies d'aucuns tiltres, papiers, & enseignemens des ouuertures & trauaux qui ont esté faicts desdites mines d'ancienneté, ou depuis peu, de les exhiber & représenter à

164 *Larestit. de Pluton,*

l'Huissier, Sergent Royal, ou Archer desdites mines, qui sera porteur des presentes, pour en estre faict extraicts deuëment collationnez, & en cas de refus ou delay, les assigner pardeuant Nous, ou nostredit Lieutenant General audit lieu, pour en dire les causes, & se voir condamner en tous les despens, dommages, & interests du diuertissement ou retardement des droits de sa Majesté, & cependant pour esuiter au deperrissement desdites mines, & conformement à l'ordre du Roy François premier de l'an mil cinq cens cinquante sept, vous permettons de faire mettre celles desdites mines en travail, qui sont exploictées sans permission vallable ou abandonnées, à la charge de nous en faire aduertir ou nostredit Lieutenant General pour en auoir permission particulie-

re dans trois mois apres, & ce suivant les termes de l'art, nonobstant oppositions ou appellations quelconques, pour lesquelles ne sera differé à ce que les droits de la Majesté y puissent estre perceus. **DE CE FAIRE**, Vous donnois pouuoir, autorité, commission & mandement special par ces Presentes, en vertu du pouuoir à nous donné par sadite Majesté: **MANDONS** & commandons à tous ceux sur lesquels nostre pouuoir s'estend qu'à vous en ce faisant, ils entendent & obeissent, **PRIONS ET REQUE- RONS** tous Gouverneurs & Lieutenans Generaux pour la Majesté, es Provinces, Gouverneurs, Capitaines des places particulieres, Juges, Officiers, Consuls, Capitouls, Maires, Escheuins, & autres personnes de Commandement, de Vous pre-

166 *La restit. de Pluton,*
ster ayde, secours & main forte, en
estant requis, à ce que la force de-
meure au Roy, offiant faire le sem-
blable pour eux lors que requis en se-
rons. En tesmoin dequoy Nous
auons fait mettre & apposer le seel
de la Jurisdiction Royale desdites
mines & minieres, & signé par no-
stre Greffier, A Paris, le dix huit-
tiesme iour d'Aoust mil six cens
trente quatre. Signé Aubry.

Les presentes ont esté registrées
en la Cour és registres, suiuant l'Ar-
rest par elle ce iourd huy donné à
Paris en Parlement le vingt cin-
quiesme Septembre mil six cens
trente quatre, signé de Sanuac.

Registrées suiuant l'Arrest huy
donné en Parlement le quin-
ziesme Feurier mil six cens trente
cinq, signé de Fau.

Le Seigneur d'Alincourt Marquis

de Villeroy, Vicomte de la forests
Thaumier, &c. Cheualier des Or-
dres du Roy, Conseiller en ses Con-
seils d'État & Priué, Capitaine de
cent hommes d'armes de ses Or-
donnances, Gouverneur & Lieute-
nant general pour sa Majesté en la
ville de Lion, pays de Lyonnois,
Forests & Beaujolois.

Veules Lettres du Roy, par les-
quelles sa Majesté veut que le sieur
du Chastelet Baron de Beausoleil
face la recherche & descouuerte des
mines & minieres de France : Nous
en tant qu'à nous est, l'y auons per-
mis & permettons de ce faire en l'e-
stenduë de nostre Gouvernement:
Mandons & ordonnons à tous Offi-
ciers du Roy & autres dans l'esten-
duë de nostredicté charge de l'y
donner pour ce toute assistance, sui-
uant la volonté de sa Majesté. Fait

168 *Larestit. de Pluton,*
à Viury le quatriesme d'Octobre
mil six cens trente-cinq. Signé, &
plus bas par mondit Seigneur Du
Muy Halincourt, & scellé de ses
Armes.

*Le Comte de Tournon & de
Roussillon Cheualier des Or-
dres du Roy, Conseiller en
ses Conseils, Capitaine de
cent hommes d'armes de ses
Ordonnances, Mareschal de
ses Camps & armées, &c.
Lieutenant general en Lan-
guedoc.*

V Ev les Lettres du Roy, par
lesquelles sa Majesté veut que
ledit sieur du Chastelet, Baron de
Beausoleil face la recherche & des-

à son Eminence. 169

couverte des mines & minières de France: Nous en tant que nous est, luy auons permis & permettons de ce faire en l'estenduë de nostre charge, mandons & ordonnons à tous Officiers du Roy, & autres dans l'estenduë de nostre-dicte charge de lay donner pour ce toute assistance suiuant la volonté de sa Majesté. Fait en nostre chasteau de Tournon, le huietiesme iour de Novembre mil six cens trente cinq. Signé, Tournon. Et plus bas par Monseigneur, Parmentier, & scellé de ses Armes.

Le grand Prieur de Champagne Mareschal des Camps & armées du Roy, Intendant general de la Navigation & commerce de France, & Gouverneur pour sa Majesté de Brouage, la Rochelle, pays Daulnis & Isles adjacentes.


VEy par Nous coppie deuëment collationnée des Lettres patentes de sa Majesté, du vnielme Aoust mil six cens trente & deux, portant Commission au sieur Baron de Beausoleil de se transporter par tout le Royaume, afin de vacquer à la descouuerte des mines, Coppie pareillement collationnée d'une Commission de Monsieur le

à son Eminence. 171

grand Maître de l'Artillerie, mines
& minieres de France, adressantes
au sieur Baron de Beausoleil à
l'effect que dessus, en date du dix-
huitiesme Aoust mil six cens tren-
te quatre : Nous, en tant qu'à nous
est, auons consenty & consentons
l'execution desdites Lettres & Com-
mission par toute l'estenduë de no-
stre Gouvernement. Fait à la Ro-
chelle ce seiziesme May mil six cens
trente sept, Signé, le Commau-
deur de la Porte. Et plus bas par
Monseigneur, Guibourt, & scellé
deses armes.

*Que Dieu fasse pleuvoir, ou ne le fasse pas;
Il ne peut contenter tous les hommes çà bas.*

F I N.



P R I V I L E G E
du Roy.



NOVIS PAR LA
GRACE DE DIEU
ROY DE FRANCE
ET DE NAVARRE. A nos Amez &
feaux Conseillers, les gens tenans
nos Cours de Parlement, Baillifs,
Seneschaux, Preuosts, leurs Lieute-
nans & autres nos Iusticiers & Offi-
ciers qu'il appartiendra, salut. Nos
bien amez le *Sieur Baron de Beau-
soleil, & la Dame sa femme*, nous
ayant remonstré qu'ils ont compo-
sé vn liure des delcouertes des
Mines & Minieres qu'ils ont fait de
nostre authorité en nostre Royau-

me, & par l'ordre de nostre grand
Maistre & sur-Intendant General
des Mines, & du liure intitulé LA
R E S T I T U T I O N D E P L U -
T O N, lequel faisant cognoistre à
nos subiects & aux Estrangers que
la France est remplie de tous les me-
taux & mineraux qu'on sçauroit
souhaiter, il est necessaire qu'il soit
imprimé. Nous ayant à ceste fin les
exposans fait tres humblement su-
plier leur accorder nos Lettres de
Privilège & permission de faire im-
primer ledit liure, & defences à tous
Libraires d'en entreprendre l'im-
pression. A CES CAUSES Nous
auons ausdits exposans permis &
permettôs par ces presentes de faire
imprimer le susdit liure, vendre &
debiter iceluy pendant sept ans, à la
charge d'en mettre deux exemplai-
res en nostre Bibliothèque, & vu és

mainz de nostre tres - cher & feal
Cheualier le Sieur Seguier Dautry
Chancellor de France: Faisons de-
fences à tous Libraires & Impri-
meurs, & tous autres d'imprimer
ou faire imprimer ledit liure, ny le
vendre pendant ledit temps de sept
ans, que par le consentement des Ex-
posans, ou celuy ou ceux qui auront
charge d'eux, à peine de mil liures
d'amende, & de confiscation des
exemplaires, despens, domma-
ges, & interést enuers les Expo-
sans, & ladite amende applicable
moitié à nous, & l'autre moitié au
denonciateur. Voulons qu'au vidi-
mus des presentes qui sera inseré au-
dit liure, foy soit adioustée comme
à l'original d'icelles. Mandons au
premier nostre Huissier ou Ser-
gent sur ce requis faire pour l'ex-
cution des presentes tous exploits re-

quis & nécessaires, sans que pour ce
il soit tenu demander autre congé
ne permission : Nonobstant toutes
choses à ce contraires: Car tel est no-
stre plaisir. Donné à Paris le ving-
tiesme iour d'Auril, l'an de grace
mil six cens quarante, & de nostre
regne le trentiesme. Par le Roy
en son Conseil.

MATHARERL.